

漢書門類			
一	二	三	四
八	九	〇	一
函	架	冊	號


内閣文庫			
漢	書	〇	一
函	架	冊	號
二	三	四	五
八	九	〇	一

内閣文庫	
番號	漢 1289
冊數	30 (30)
函號	280 85


正史百十九号

共三十本

0 1 2 3 4 5 6 7 8 9 10



綴じ部(喉部分)の文字など開きが不鮮明な箇所あり



武勳
大司馬
中書省
同書

武勳

列傳第八十六

蠕蠕

匈奴宇文莫槐

徒何段就六眷

高車

南正官

北史九十八

漢宗

殿中司

淺草文庫

蠕蠕姓郁久間。始傳之末掠騎有得一奴髮始亦眉
忘本姓名其主字之曰木骨間木骨間者首禿也木骨間
與郁久間聲相近故後子孫因以為氏木骨間既壯免奴
為騎卒穆帝時坐後期當斬亡匿廣漠谿谷間收合遁逃
得百餘人依純突隣部木骨間死子車鹿會始有部

北史列傳八十六

衆自歸柔然後太武以其無知狀類於虫故改其號為蠕
蠕車鹿會既為部帥歲貢馬畜貂豹皮冬則徙度漠南夏
則居漠北車鹿會死子吐奴傀立吐奴傀死子跋提立
跋提死子地粟袁立地粟袁死其部分為二地粟袁長子
匹候跋繼父居東邊次子緡紇提別居西邊及昭成崩緡
紇提附衛辰而貳於魏魏登國中討之蠕蠕移部遁走追
之及於大磧南牀山下大破之虜其半部匹候跋及部帥
屋擊各收餘落遁走遣長孫嵩及長孫肥追之度磧嵩至
平望川大破屋擊禽之斬以徇肥至涿邪山及匹候跋舉
落請降獲緡紇提子曷多 及曷多汗兄誥歸之社論斛

律等并宗黨數百人分配諸部緡紇提西遁將歸衛辰道
武追之至跋那山緡紇提復降道武撫慰如舊九年曷多
汗與社論率部衆棄其父西走長孫肥輕騎追之至上郡
跋那山斬曷多汗盡殪其衆社論數人奔匹候跋匹候跋
處之南鄙去其庭五百里令其子四人監之既而社論率
其私屬執匹候跋四子而叛襲匹候跋諸子收餘衆亡依
高車斛律部社論兇狡有權變月餘乃釋匹候跋歸其諸
子欲乘而殲之密舉兵襲匹候跋殺匹候跋子啓拔吳頡
等十五人歸于道武社論既殺匹候跋懼王師討之及掠
三原以西諸部北度大漠道武以拔頡為安遠將軍平棘

侯社論與姚興和親道武遣材官將軍和突襲黠弗素古
延諸部社論遣騎救素古延突逆擊破社論遠遁漠北侵
高車深入其地遂并諸部凶勢益振北徙弱洛水始立軍
法千人為軍軍置將一人百人為幢幢置帥一人先登者
賜以虜獲退懦者以石擊首殺之或臨時捶撻無文記將
帥以羊屎粗計兵數後頗知刻木為記其西北有匈奴餘
種國尤富疆部帥日拔也稽舉兵擊社論逆戰於額根河
大破之後盡為社論所并號為疆盛隨水草畜牧其西則
焉耆之地東則朝鮮之地北則渡沙漠窮瀚海南則臨大
磧其常所會庭敗煌張掖之北小國比日苦其寇抄羈縻附

之於是自號豆代可汗臣代猶魏言駕馭開張也汗猶
魏言皇帝也蠕蠕之俗君及大臣因其行能即為稱號若
中國立謚既死之後不復追稱道武謂尚書崔宏曰蠕蠕
之人昔來號為頑賢母來抄掠駕犂牛奔遁驅犂牛隨之
犂牛伏不能前異部人有教其以犂牛易之者蠕蠕曰其
母尚不能行而況其子終於不易遂為敵所虜今社論學
中國立法置戰陣卒威遠害道家言聖人生大盜起信矣
天興五年社論聞道武征姚興遂犯塞入自參合陂南至
豺山及善無北澤時遠常山王道以萬騎追之不及天賜
中社論從弟悅代大那等謀殺社論而立大那護覺大那

等來奔以大那為冠軍將軍西平侯悅代為越騎校尉易
陽子三年夏社論寇邊永興元年冬又犯塞二年明元討
之社論遁走道死其子度拔年少未能御眾部落立社論
弟斛律號藹苦蓋可汗魏言女質美好也斛律北并賀術
也骨國東破壁曆辰部落三年斛律宗人悅侯咄氈干等
百數十人來降斛律畏威自守不敢南侵北邊安靜神瑞
元年與馮跋和親跋娉斛律女為妻將為交婚斛律長兄
子步鹿真謂斛律曰女少遠適憂思生疾可遣大臣樹黎
勿地延等女為媵斛律不許步鹿真出謂樹黎等曰斛律
欲令汝女為媵遠至他國黎遂共結謀令勇士夜就斛律

穹廬後伺其出執之與女俱殯于和龍乃立步鹿真步鹿
真立委政樹黎初高車叱洛侯者叛其渠帥導社論破諸
部落社論德之以為大人步鹿真與社論子社拔共至叱
洛侯家媼其少妻少妻告步鹿真叱洛侯欲舉大檀為主
遣大檀金馬勒為信步鹿真聞之歸發八千騎往圍叱洛
侯焚其珍寶自刎而死步鹿真遂掩大檀大檀發軍執步
鹿真及社拔絞殺之乃自立大檀者社論季父僕渾之子
先統別部鎮於西界能得眾心國人推戴之號牟汗紇升
蓋可汗魏言制勝也斛律父子既至和龍馮跋封為上谷
侯大檀率眾南徙犯塞明元親討之大檀懼而遁走遣山

陽侯奚斤等追之遇寒雪士衆凍死及墮指者十二三及
明元崩太武即位大檀聞而大喜始光元年秋乃寇雲中
太武親討之三日二夜至雲中大檀騎圍太武五十餘重
騎逼馬首相次如堵馬士卒大懼太武顏色自若衆情乃
安先是大檀弟大那與社論爭國敗而來奔大檀以大那
子於陟斤為部帥軍士射於陟斤殺之大檀恐乃還二年
太武大舉征之東西五道竝進平陽王長孫翰等從黑漠
汝陰公長孫道生從白黑兩漠間車駕從中道東平公娥
青次西從栗園亘城王玄斤將軍安原等西道從介寒山
諸軍至漠南舍輜重輕騎齎十五日糧絕漠討之大檀部
落駭驚北走神麋元年八月大檀遣子將騎萬餘入塞殺
掠邊人而走附國高車追擊破之自廣安再還追之不及二
年四月太武練兵于南郊將襲大檀公卿大臣皆不願術
士張深徐辯以天文說止帝帝從崔浩計而行會江南使
還稱宋文欲犯河南謂行人曰汝疾還告魏主歸我河南
地即當罷兵不然盡我將士之力帝聞而大咲告公卿曰
龜鼈小豎自救不暇何能為也就使能來若不先滅蠕蠕
便是坐待寇至腹背受敵非上策也吾行決矣於是車駕
出東道向黑山平陽王長孫翰從西道向大娥山同會賊
庭五月次于沙漠南舍輜重輕龍衣之至西水大檀衆西奔

弟匹黎先典東落將赴大檀遇翰軍翰縱騎擊之殺其大
人數百大檀聞之震怖將其族黨焚燒廬舍絕迹西走莫
知所至於是國落四散竄伏山谷畜產野布無人收視太
武緣粟水西行過漢將竇憲故壘六月車駕次於菟園水
去平城三千七百餘里分軍搜討東至瀚海西接張掖水
北度燕然山東西五千餘里南北二千里高車諸部殺大
檀種類前後歸降三十餘萬俘獲首虜及戎馬百餘萬匹
八月太武聞東部高車屯巴尼陂人畜甚衆去官軍千餘
里遂遣左僕射安原等往討之暨巴尼陂高車諸部望軍
降者數十萬大檀部落衰弱因發疾而死了子吳提立號救

連可汗魏言神聖也四年遣使朝獻先是北鄙候騎獲吳
提南徧邏者二十餘人太武賜之衣服遣歸吳提上下感
德故朝貢焉帝厚賓其使而遣之延和三年二月以吳提
尚西海公主又遣使者納吳提妹為夫人又進為左昭儀
吳提遣其兄秃鹿傀及左右數百人來朝獻馬二千匹帝
大悅班賜甚厚至大延二年乃絕和犯塞四年車駕幸五
原遂征之樂平王丕河東公賀多羅督十五將出東道永
昌王健宜都王穆壽督十五將出西道車駕出中道至浚
稽山分中道復為二道陳留王崇從六澤向涿邪山車駕
從浚稽北向天山西登子阜刻石記行不見蠕蠕而還時

漢北大旱無水草軍馬多死五年車駕西伐沮渠牧犍且
都王穆壽輔景穆居守長樂王嵇敬建寧王崇二萬人鎮
漠南以備蠕蠕吳提果犯塞壽素不設備賊至七介山京
邑大駭爭奔中城司空長孫道生拒之於吐頽山吳提之
寇也留其兄乞列歸與北鎮諸軍相守敬崇等破乞列歸
于陰山之北獲乞列歸歎曰沮渠陷我也獲其伯父他吾
無鹿胡及其將帥五百人斬首萬餘級吳提聞而遁走道
生追之至于漠南而還真君四年車駕幸漠南分軍為四
道樂安王範建寧王崇各統十五將出東道樂平王督十
五將出西道車駕出中道中山王辰領十五將為中軍

繼車駕至鹿渾谷與賊相遇吳提遁走追至頽根河擊破
之車駕至石水而還五年復幸漠南欲襲吳提吳提遠遁
乃止吳提死子吐賀真立號可汗魏言唯也十年正月
車駕北伐高昌王那出東道略陽王羯兒出西道車駕與
景穆自中道出涿邪山吐賀真別部帥介綿他拔等率千
餘家來降是時軍行數千里吐賀真新立恐懼遠遁九月
車駕北伐高昌王那出東道略陽王羯兒出中道與諸軍
期會於地弗池吐賀真悉國器餽軍資甚盛圍那數十重
那掘長圍堅守相持數日吐賀真數挑戰輒不利以那衆
少而固疑大軍將至解圍夜遁那引軍追之九日九夜吐

賀真益懼棄輜重踰空隆望延遁那收其輜重引軍還與
車駕會於廣澤略陽王羯兒垂殺其入戶畜產百餘萬自
是吐賀真遂單弱遠竄邊疆息警矣大安四年車駕北征
騎十萬車十五萬兩旌旗千里遂渡大漠吐賀真遠遁其
莫弗烏朱駕頽率衆數千落夾降乃刊石記功而還太武
征伐之後意存休息蠕蠕亦怖威其鼠不敢復南和平五
年吐賀真死子予成立號受羅部真可汗魏言惠也自稱
永康元年率部侵塞北鎮遊軍大破其衆皇興四年予成
犯塞車駕北討京兆王子推東陽公元丕督諸軍出西道
任城王雲等督軍出東道汝陰王賜濟南公羅烏拔督軍

爲前鋒隴西王源賀督諸軍爲後繼諸將會車如馬于女水
之濱獻文親誓衆詔諸將曰用兵在奇不在衆也卿等但
爲朕力戰方略已在朕心乃選精兵五千人挑戰多設奇
兵以惑之虜衆奔潰遂北三十餘里斬首五萬級降者萬
餘人戎馬器械不可稱計旬有九日往返六千餘里改女
水曰武川遂作北征頌刊石紀功延興五年予成來通婚
娉有司以予成數犯邊塞請絕其使發兵討之帝曰蠕蠕
譬若禽獸貪食而亡義朕要當以信誠待物不可抑絕也予
成知悔前非遣使請和求結姻援安可孤其款意乃詔報
曰所論婚事今始一反尋覽事理未允厥中夫男而下女

交象所明初婚之吉敦崇禮聘君子所以重人倫之本不
敬其初令終難矣子成母懷誦詐終獻文世更不求婚太
和元年四月遣莫何去汾比拔等來獻良馬貂裘比拔等
稱伏承天朝珍寶華器甚積求一觀之乃敕有司出御府
珍玩金玉文繡器物御厩文馬奇禽異獸及人間所宜用
者列之京肆令其歷觀焉比拔見之自相謂曰大國富麗
一生所未見也二年二月又遣比拔等朝貢尋復請婚焉
孝文志在招納許之予成雖歲貢不絕而款約不著婚事
亦停九年予成死子豆輪立號伏古敦可汗魏言恒也自
稱大平元年豆輪性殘暴好殺其名臣侯鑿堊石洛候數

以忠言諫之又勸與魏通和勿侵中國豆輪怒誣石洛候
謀反殺之夷其三族十六年八月孝文遣陽平王頤左僕
射陸叡並為都督領軍斛律桓等十二將七萬騎討豆輪
部內高車阿伏至羅率衆十餘萬西走自立為主豆輪與
叔父那蓋為二道追之豆輪出自浚稽山北而西那蓋出
自金山豆輪頻為阿伏至羅所敗那蓋累有勝捷國人咸
以那蓋為天所助欲推那蓋為主那蓋不從衆彊之那蓋
曰我為臣不可焉能為主衆乃殺豆輪母子以尸示那蓋
乃襲位那蓋號候其伏代庫者可汗魏言悅樂也自稱太
安元年那蓋死子伏圖立號他汗可汗魏言緒也自稱始

平元年正始三年伏圖遣使統奚勿六跋朝獻請求通知
宣武不報其使詔有司敕勿六跋曰蠕蠕遠祖社論是大
魏叛臣往者包容暫時通使今蠕蠕衰微有損時日大魏
之德方隆周漢跨據中原指清八表正以江南未平權寬
北略通和之事未容相許若脩著禮款誠昭著者當不孤
尔也永平元年伏圖又遣勿六跋奉函書一封并獻貂裘
宣武不納依前喻遣伏圖西征高車為高車王彌俄突所
殺子醜奴立號豆羅伏拔豆伐可汗魏言彰制也自稱建
昌元年永平四年九月醜奴遣沙門洪宣奉獻珠像延昌
二年冬宣武遣驍騎將軍馬義舒使於醜奴未發而崩事

遂停寢醜奴壯健_至昔用兵四年遣使依斤尉比建朝百無
平元年西征高車大破之禽其主彌俄突殺之盡并叛者
國遂彊盛二年又遣使依斤尉比建統奚勿六跋輩顧禮
等朝貢神龜元年二月明帝臨顯陽殿引顧禮等二十人
於殿下遣中書舍人徐紇宣詔讓以蠕蠕蕃禮不備之意
初豆論之死也那蓋為主伏圖納豆論之妻依斤陵氏生
醜奴阿那瓌等六人醜奴立後忽亡一子字祖惠求慕不
能得有尼引副升牟妻是豆渾地萬年二十許為醫巫假
託神鬼先常為醜奴所信出入去來乃言此兒今在一上
我能呼得醜奴母子欣悅後歲仲秋在大澤中施帳屋齋

潔七日祈請天神經一宿祖惠忽在帳中自云恒在天上
醜奴母子抱之悲喜大會國人號地萬為聖女納為可賀
敦授夫副升卒爵位賜牛馬羊三千頭地萬既挾左道亦
是有姿色醜奴甚加重愛信用其言亂其國政如是積歲
祖惠年長其母問之祖惠言我恒在地萬家不嘗上天上
天者地萬教也其母具以狀告醜奴醜奴言地萬懸鑿遠
事不可不信勿用讒言也既而地萬恐懼譖祖惠於醜奴
醜奴陰殺之正光初醜奴母遣莫何去汾李具列等級殺
地萬醜奴怒欲誅具列等又阿至羅羅侵醜奴醜奴擊之重
敗還為母與其大臣所殺立醜奴弟阿那瓌為主阿那瓌

立經十日其族兄俟力發示發率眾數萬以伐阿那瓌戰
敗將弟乙居伐輕騎南走歸魏阿那瓌母候呂陵氏及其
二弟尋為示發所殺而阿那瓌未之知也九月阿那瓌將
至明帝遣兼侍中陸希道為使主兼散騎常侍王威為使
副迎勞近畿使司空公京兆王繼^繼至北中侍中崔光黃門
郎元纂在近郊並申宴勞引至闕下十月明帝臨顯陽殿
引從五品已上清宮皇宗潘國使客等列於殿庭王公已
下及阿那瓌等入就庭中北面位定謁者引王公已下升
殿阿那瓌位於藩王之下又引特命之官及阿那瓌弟并
二叔升位於羣官之下遣中書舍人曹道宣詔勞問阿那

環啓云陛下優隆命臣弟叔等升殿預會但臣有從兄在北之日官高於二叔乞命升殿詔聽之乃在於阿那環弟之下二叔之上宴將罷阿那環執所啓立於座後詔遣舍人常景問所欲言阿那環求詣帝前詔引之阿那環再拜跪曰臣先世源由出於大魏詔曰朕已具知阿那環起而言曰臣之先逐草放牧遂居漠北詔曰卿言未盡可具陳之阿那環又言曰臣祖先已來世居北土雖復滿越山津而乃恭心慕化未能時宣者正以高車悖逆臣國擾攘不暇遣使以宣遠誠自頃年已前漸定高車及臣兄為主故遣鞏顧禮等使來大魏每具敬虔脩禮是以嘗遣之使

之曰臣與主兄即遣大臣五人拜受詔命臣兄弟本心未及上徹但高車從而侵暴中有姦臣因亂作逆殺臣兄立臣為主裁過旬日臣以陛下恩慈如天是故君卒輕身投國歸命陛下詔曰具卿所陳理猶未盡可更言之阿那環再拜受詔起而言曰臣以家難輕來投闕老母在彼萬里分張本國臣人皆已迸散陛下隆恩有過天地求乞兵馬還向本國誅翦叛逆收集亡散陛下慈念賜借兵馬老母若在得生相見以申母子之恩如其死也即得報讎以雪大恥臣當統臨餘人奉事陛下四時之貢不敢闕絕陛下聖顏難覩敢有披陳但所欲言者口不能盡言別有辭啓

謹以仰呈願垂昭覽仍以啓付舍人常景具以奏聞尋封
阿那瓌朔方郡公蠕蠕主賜以衣冕加之輅蓋祿從儀衛
同于戚藩十二月明帝以阿那瓌國無定主思還綏集啓
請切至詔議之時朝臣意有同異或言聽還或言不可領
軍元又爲宰相阿那瓌私以金百斤貨之遂歸北二年正
月阿那瓌等五十四人請辭明帝臨西堂引見阿那瓌及
其伯叔兄弟五人并階賜坐遣中書舍人穆弼宣勞阿那
瓌等拜辭詔賜阿那瓌細明光人馬鎧一具鐵人馬鎧六
具露絲銀纏梨二張并白眊赤漆梨十張并白并黑漆梨
十張并幡露絲弓二張并箭朱漆柘弓六張并黑漆弓

一張并箭赤漆楯六幡并刀黑漆楯六幡并刀赤漆楯
二十具五色錦被二領黃紬被褥二十具私府繡袍一領
并帽內者緋納襖一領緋袍二十領并帽內者雜綵千段
緋納小口袴褶一具內中宛具紫納大口袴褶一具內中
宛具百子帳十八具黃布幕六張新乾飯一百石麥麩八
石榛麩五石銅烏鎗四枚柔鐵烏鎗二枚各受二斛黑漆
竹筐四枚各受五升婢二口父草馬五百疋馳百二十頭
牝牛一百頭羊五千口朱畫盤器十合粟二十萬石全鎮
給之詔侍中崔光黃門元景察郭外勞遣阿那瓌來奔之後
其父兄俟力發婆羅門率數萬人入討示發破之示發走

奔地豆干爲其所殺推婆羅門爲主號彌偶可社句可汗
魏言安靜也時安北將軍懷朔鎮將楊鈞表傳聞彼人已
立主是阿那瓌同堂兄弟夷人獸心已相君長恐未肯以
殺兄之人郊迎其弟輕往虛反徒損國威自非廣加兵衆
無以送其入北二月明帝詔舊經蠕蠕使者牒云具仁往
喻婆羅門迎阿那瓌復藩之意婆羅門殊自驕慢無遜避
之心責具仁禮敬具仁執節不屈婆羅門遣大官莫何去
汾侯斤丘升頭六人將二千隨具仁迎阿那瓌五月具仁
還鎮論彼事勢阿那瓌慮不敢入表求還京會婆羅門爲
高車所逐率十部落詣涼州歸降於是蠕蠕數萬相率迎

阿那瓌啓七月阿那瓌蠕蠕云殺化阿那瓌蠕蠕元退社渾
河旃等二人以今月二十六日到鎮云國土大亂姓姓別
住迭相抄掠當今北人鵠望待拯今乞依前恩賜給精兵
一萬還令督率領送臣磧北撫定荒人脫蒙所請事必克
濟詔付尚書門下博議八月詔兼散騎常侍王遵業馳駟
宣旨慰喻阿那瓌并申賜賚九月蠕蠕後主侯陁伐來奔
懷朔鎮阿那瓌兄也列稱規望乞軍并請阿那瓌十月錄
尚書事高陽王雍尚書令李崇侍中侯剛尚書左僕射元
欽侍中元又侍中安豐王延明吏部尚書元修義尚書李
彥給事黃門侍郎元纂給事黃門侍郎張烈給事黃門侍

郎盧同等奏曰竊聞漢立南北單于晉有東西之稱比日所以相維禦難爲國藩籬今臣等參議以爲懷朔鎮北土名無結山吐若奚泉敦煌北西海郡即漢晉舊鄯一處寬平原野彌沃阿那瓌宜置西吐若奚泉婆羅門宜置西海郡各令摠率部落收離聚散其爵號及資給所須唯恩裁處彼臣下之官任其舊俗阿那瓌所居既是境外宜少優遣以示威刑計沃野懷朔武川鎮各差二百人令當鎮軍主監率給其糧仗送至前所仍於彼爲其造構功就聽還諸於北來在婆羅門前投化者令州鎮上佐准程給糧送詣懷朔阿那瓌鎮與使人量給食粟在京館者任其去留阿

那瓌草創先無儲積請給朔州麻子乾飯二千斛官駝運送婆羅門居於西海既是境內資衛不得同之阿那瓌等新造藩屏宜各遣使持節馳驛先詣慰喻并委經略明帝從之十二月詔安西將軍廷尉二洪超兼尚書行臺詣敦煌安置婆羅門婆羅門尋與部眾謀叛投噉噉噉三妻皆婆羅門姊妹也仍爲州軍所討禽之二年十二月阿那瓌上表乞粟以爲田種詔給萬石四年阿那瓌衆大饑入塞寇抄明帝詔尚書左丞元孚兼行臺尚書持節喻之孚見阿那瓌爲其所執以孚自隨驅掠良口二千并公私驛馬牛羊數十萬北遁謝孚放還詔驃騎大將軍尚書令李

崇等率騎十萬討之出塞三千餘里至瀚海不及而還俟
匿伐至洛陽明帝臨西堂引見之五年婆羅門死於洛南
之館詔贈使持節鎮西將軍秦州刺史廣牧於是歲沃野
鎮之破六韓拔陵反諸鎮相應孝昌元年春阿那瓌率衆
討之詔遣牒云具仁齎雜物勞賜阿那瓌拜受詔命勒衆
十萬從武川鎮西向沃野頻戰剋捷四月明帝又遣通直
散騎常侍中書舍人馮雋使阿那瓌之勞班賜有差阿那
瓌部落既和士馬稍盛乃號敕連頭大伐可汗魏言把攬
也十月阿那瓌復遣郁久閭彌娥等朝貢三年四月阿那
瓌遣使人鞏鳳景等朝貢及還明帝詔之曰北鎮羣狄爲

逆不息蠕蠕主爲國立忠助加誅訶言念誠心無忘寢食
今知停在朔垂與尔朱榮隣接其嚴勒部曲勿相暴掠又
近得蠕蠕主啓更欲爲國東討但蠕蠕主世居北漠不宜
炎夏今可且停聽待後敕蓋朝廷慮其反覆也此後頻使
朝貢建議初孝莊詔曰夫勲高者賞重德厚者名隆蠕蠕
主阿那瓌鎮衛北蕃禦侮朔表遂使陰山息警弱水無塵
刊跡狼山銘功瀚海至誠旣篤勲緒莫酬故宜擢以殊禮
何容格以恒式自今以後讚拜不言名上書不稱臣太昌
元年六月阿那瓌遣烏勾蘭樹升伐等朝貢并爲長子請
尚公主永熙二年四月孝武詔以范陽王誨之長女瑯琊

公主許之未及成婚帝入關東西魏競結阿那瓌為婚好
西魏文帝乃以孝武時舍人元翌女稱為化政公主妻阿
那瓌兄弟塔寒又自納阿那瓌女為后加以金帛誘之阿
那瓌遂留東魏使元整不報信命後遂率衆度河以廢后
為言文帝不得已遂敕廢后自殺元象元年五月阿那瓌
掠幽州范陽南至易水九月又掠肆州秀容至於三柞又
殺元整轉謀侵害東魏乃囚阿那瓌使溫豆拔等神武以
阿那瓌兇狡將撫懷之乃遣其使人龍牙駒北還以通溫
豆拔等音問始阿那瓌殺元整亦謂溫豆拔等不存既見
元駒微懷感愧興和二年春復遣龍牙駒等朝貢東魏

猶夫款誠阿那瓌女妻文帝者遇疾死齊神武因遣相府
功曹參軍張徽纂使於阿那瓌間說之云文帝及周文既
害孝武又殺阿那瓌之女女以踈屬假公主之號嫁彼為
親又阿那瓌度河西討時周文燒草使其馬饑不得南進
此其逆詐反覆難信之狀又論東魏正統所在言其往者
破亡歸命魏朝保護得存其國以大義示之兼詐阿那瓌
云近有赤鋪步落堅胡行於河西為蠕蠕主所獲云蠕蠕
主問之汝從高王為從黑獺一人言從黑獺蠕蠕主殺之
二人言從高王蠕蠕主放遣此即蠕蠕主存大國宿昔仁
義彼女既見害欺詐相待不仁不信且見討伐且守逆一

方未知歸順朝廷亦欲加誅彼若深念舊恩以存和睦當
天子以懿親公主結成姻媾為遣兵將伐彼叛臣為蠕蠕
主雪恥報惡徽纂既申齊神武意阿那瓌乃召其大臣與
議之便歸誠於東魏遣其俊利莫何莫緣游大力等朝貢
因為其子菴羅辰請婚靜帝詔兼散騎常侍太府卿羅念
兼通直散騎常侍中書舍人穆景相等使於阿那瓌八月
阿那瓌遣莫何去折豆渾十升等朝貢復因求婚齊神武
請遂其意以招四遠詔以常山王隲妹樂安公主許之改
封為蘭陵郡長公主十二月阿那瓌復遣折豆渾十升詣
東魏請婚三年四月阿那瓌遣吐豆登郁久閭壁言渾俊利

莫何折豆渾侯煩等奉馬千疋以為娉禮請迎公主詔兼
宗正卿元壽兼太常卿孟韶等送公主自晉陽北邁資用
器物齊神武親自經紀咸出豐渥阿那瓌遣其吐豆登郁
久閭匿伏俊利阿夷普掘蒲提棄之伏等迎公主於新城
之南六月齊神武慮阿那瓌難信又以國事加重躬送公
主於樓煩之北接勞其使每皆隆厚阿那瓌大喜自是朝
貢東魏相尋四年阿那瓌請以其孫女號隣和公主妻齊
神武第九子長廣公湛靜帝詔為婚焉阿那瓌遣其吐豆
登郁久閭壁言掘俊利莫何游大力送女於晉陽武定四年
阿那瓌有愛女號為公主以齊神武威德日盛又請致之

靜帝聞而詔神武納之阿那瓌遣其吐豆發郁父閭汗拔
姻姬等送女於晉陽自此東魏邊塞無事至於武定末使
貢相尋始阿那瓌初復其國盡禮朝廷明帝之後中原喪
亂未能外略阿那瓌統率北方頗為疆盛稍敢驕大禮敬頗
闕遣使朝貢不復稱臣天平以來逾自踞慢汝陽王暹之
為秦州也遣其典籤齊人淳于覃使於阿那瓌遂留之親寵
任事阿那瓌因入洛陽心慕中國立官號僭擬王者遂有侍
中黃門之屬以覃為祕書監黃門郎掌其文墨覃教阿那
瓌轉至不遜每奉國書隣敵抗禮及齊受東魏禪亦歲時
往來不絕天保三年阿那瓌為突厥所破自殺其太子菴

羅辰及瓌從弟登注侯利登注子庫提並擁眾奔齊其餘
眾立注次子鐵代為主四年齊文宣送登注及子庫提還
北鐵代尋為契丹所殺其國人仍立登注為主又為大人
阿富提等所殺其國人復立庫提為主是歲復為突厥所
攻率國奔齊文宣乃北討突厥迎納蠕蠕廢其主庫提立
阿那瓌子菴羅辰為主致之馬邑川給其廩餼繒帛親追
突厥於朔方突厥請降許之而還於是蠕蠕貢獻不絕五
年三月菴羅辰叛文宣親討大破之菴羅辰父子北遁四
月寇肆州帝自晉陽討之至恒黃州瓜堆虜散走時大軍
已還帝麾下千餘騎遇蠕蠕別部數万四面圍逼帝神色

自若指畫形勢虜衆披靡遂縱兵潰圍而出虜退走追擊
之伏尸二十五里獲菴羅底妻子及生口三万餘人五月帝
又北討蠕蠕大破之六月蠕蠕帥部衆東徙將南侵帝帥
輕騎於金川下邀擊蠕蠕聞而遠遁六年六月文宣又親
討蠕蠕七月帝頓白道留輜重親率輕騎五千追蠕蠕躬
犯矢石頓大破之遂至沃野大獲而還是時蠕蠕旣累為
突厥所破以西魏恭帝二年遂率部千餘家奔關中空厥
旣恃兵彊又藉西魏和好恐其遺類依憑大國使驛相繼
請蓋殺以甘心周文議許之遂收縛蠕蠕主已下二千餘
人什突厥使於青州外斬之中男以下免並配王公家

匈奴宇文莫槐出遼東塞外其先南單于之遠屬也世為
東部大人其語與鮮卑頗異人皆剪髮而留其頂上以為
首飾長過數寸則截短之婦女被長襦及足而無裳焉秋
收烏頭為毒藥以射禽獸莫槐虐用其人為部下所殺更
立其弟普撥為大人普撥死子立不勤立尚平文帝女立
不勤死子莫槐立本名犯道武諱莫槐遣弟屈雲攻慕容
廆慕容廆擊破之又遣別部素延伐慕容廆於棘城復為
慕容廆所破時莫槐部衆彊盛自稱單于塞外諸部咸憚
之莫槐死子遜昵延立率衆攻慕容廆於棘城廆子翰先
戍於外遜昵延謂其衆曰翰素果勇必為人所患宜先取之

城不足憂也乃分騎數千襲翰翰聞之使人詐為段末波使者逆謂遜昵延曰翰數為吾患久思除之今聞來討甚善戒嚴相待宜兼路早赴翰設伏待之遜昵延以為信然長驅不備至於伏所為翰所虜翰馳使告虜乘勝遂進及晨而至虜亦盡銳應之遜昵延見而方嚴率眾逆擊戰前鋒始交而翰已入其營縱火燎之眾乃大潰遜昵延單馬奔還悉俘其眾遜昵延父子世雄漠北又先得玉璽三紐自言為天所指每自誇大及此敗也乃卑辭厚幣遣使朝貢于昭帝帝嘉之以文妻焉遜昵延死子乞得龜立復伐慕容廆虜拒之惠帝二年乞得龜屯堡澆水固壘不戰遣其

兄悉跋堆襲廆子仁于栢林仁逆擊斬悉跋堆廆又攻乞得龜克之乞得龜單騎夜奔悉虜其眾乘勝長驅入其國城收資財億計徙部人數萬戶以歸先是海出大龜枯死於平郭至是而乞得龜敗別部人逸豆歸殺乞得龜而自立與慕容廆迭相攻擊遣其國相莫渾伐廆而莫渾荒酒縱獵為廆所破死者萬餘人建國八年廆伐逸豆歸逸豆歸拒之為廆所敗殺其驍將涉亦干逸豆歸遠遁漠北遂奔高麗是徙其部眾五千餘落於昌黎自是散滅矣徒何段就六眷出於遼西其伯祖曰陸眷因亂被賣為漁陽烏丸子大庫辱官家奴諸大人集會幽州皆持唾壺唯

庫辱官猶無乃唾日陸眷口中日陸眷因咽之西向拜天
曰願使主君之智慧祿相盡移入我腹中其後漁陽大饑
庫辱官以日陸眷為健使將人詣遼西遂食招誘亡叛遂
至疆盛日陸眷死弟乞珍代立乞珍死子務目塵代立即
就六眷父也據遼西之地而臣於晉其所統三萬餘家控
弦上馬四五萬騎穆帝時幽州刺史王浚以段氏數為已
用深德之乃表封務目塵為遼西公假大單于印綬浚使
務目塵率萬餘騎伐石勒於常山封龍山下大破之務目
塵死就六眷立就六眷與弟疋磾從弟末波等率五萬餘
騎圍石勒於襄國勒登城望之見將士皆釋仗寢卧無警

備之意勸因其懈怠選募勇健突城突出直衝末波生禽
之置之座上與飲宴盡歡約為父子盟誓而遣之末波既
得免就六眷等遂攝軍而還不復報浚歸于遼西自此以
後末波常不敢南向視焉人問其故末波曰吾父在南其感
勒不害已也如此就六眷死其子幼弱疋磾與劉琨世子
羣奔喪疋磾陰卷甲而往欲殺其叔羽鱗及末波而奪其
國末波等知之遣軍逆擊疋磾劉羣為末波所獲匹磾走
還前懼琨禽已請琨宴會因執而害之疋磾既殺劉琨與
羽鱗末波自相攻擊部眾乖離欲擁其眾徙保上谷阻軍
都之險以距末波等平文帝聞之陰嚴精騎將擊之疋磾

恐懼南奔樂陵後石勒遣石季龍擊段文鴛于樂陵破之
生禽文鴛疋磔遂率其屬及諸鳩壁降于石勒末波自稱
幽州刺史屯遼西末波死國人因立陸眷弟護遼為主烈
帝時假護遼驃騎大將軍幽州刺史大單于北平公弟鬱
蘭撫軍將軍冀州刺史勃海公建國元年石季龍征護遼
於遼西護遼奔於平岡山遂投慕容晃晃殺之鬱蘭奔石
季龍以所徙鮮卑五千人配之使屯合支鬱蘭死子龍代
之及并閔之亂龍率衆南移遂據齊地慕容儁使弟玄恭
率衆伐龍於廣固執龍送之薊傷毒其目而殺之坑其徒
三千餘人

高車蓋古赤狄之餘種也初號爲狄歷北方以爲高車丁
零其語略與匈奴同而時有小異或云其先匈奴甥也其
種有狄氏表紇氏斛律氏解批氏護骨氏異奇斤氏俗云
匈奴單于生二女姿容甚美國人皆以爲神單于曰吾有此
女安可配人將以與天乃於國北無人之地築高臺置二
女其上曰請天自迎之經三年其母欲迎之單于曰不可
未徹之間耳復一年乃有一老狼晝夜守臺嗥呼因穿臺
下爲空穴經時不去其小女曰吾父處我於此欲以與天
而今狼來或是神物天使之然將下就之其姊大驚曰此
是畜生無乃辱父母妹不從下爲狼妻而產子後遂滋繁

成國故其人好引聲長歌又似狼嗥無都統大帥當種各
有君長爲性麤猛黨類同心至於寇難翕然相依關無行
陣頭別衝突乍出乍入不能堅戰其俗蹲踞囊曠無所忌
避婚姻用牛馬納娉以爲榮結言既定男黨營車闌馬令
女黨恣取上馬祖乘出闌馬主立闌外振手驚馬不墜者
即取之墜則更取數滿乃止俗無穀不作酒迎婦之日男
女相將持馬酪熟肉節解主人延賓亦無行位穹廬前叢
坐飲宴終日復留其宿明日將婦歸既而夫黨遷入其家
馬羣極取良馬父母弟兄雖惜終無言者頗諱取寡婦而
優憐之其畜產自有記識雖闌縱在野終無妄取俗不請

潔喜致震霆每震則叫呼射天而棄之移去來歲秋馬肥
復相率候於震所埋殺羊然火拔刀女巫祝說似如中國
夜除而羣隊馳馬旋繞百匝乃止人持一束柳挾回豎之
以乳酪灌焉婦人以皮裹羊骸戴之首上繫屈髮鬚而綴
之有似軒冕其死亡葬送掘地作坎坐尸於中張臂引弓
佩刀挾稍無異於生而露坎不掩時有震死及疫癘則爲
之祈福若安全無他則爲報賽多殺雜畜燒骨以燎走馬
遶旂多者數百匝男女無小大皆集會平言之人則歌舞
作樂死喪之家則悲吟哭泣其遷徙隨水草衣皮食肉牛
羊畜產盡與蠕蠕同唯車輪高大輻數至多徙於鹿渾海

西北百餘里部落彊大常與蠕蠕爲敵亦每侵盜于魏魏
道武襲之天破其諸部後道武復度弱洛水西行至鹿渾
海停駕簡輕騎西北行百餘里龍破之虜獲生口牛馬羊
二十餘萬復討其餘種於狼山大破之車駕巡分命諸將
爲東西二道道武親勒六軍從中道自駁髯水西北徇略
其部諸軍同時雲合破其雜種三十餘落衛王儀別督諸
將從西北絕漠千餘里復破其遺迸七部於是高車大懼
諸部震駭道武自牛川南引大校獵以高車爲圍騎徒遮
列周七百餘里聚雜獸於其中因驅至平城即以高車衆
起鹿苑南因臺陰北距長城東包白登之西山尋而高車
姪利曷莫弗敕力捷率其九百餘落內附拜敕捷爲揚威
將軍置司馬參軍賜穀二萬斛後高車解批莫弗幡豆建
復率其部三十餘落內附亦拜爲威遠軍置司馬參軍賜
衣服歲給廩食蠕蠕社論破敗之後收拾部落轉徙廣漠
之北侵入高車之地斛律部帥倍侯利患之曰社論新集
兵貧馬少易與耳乃舉衆掩擊之其國落高車昧利不顧
後患分其廬室妻其婦女安息寢卧不起社論登高望見
乃招集亡散得千人晨掩殺之走而脫者十二三倍侯利
遂奔魏賜爵孟都公侯利質直勇健過人奮戈陷陣有異於
衆北方之人畏之嬰兒啼者語曰倍侯利來便止處女歌

謠云求良夫當如倍侯其服衆如此善用五十著筮言凶
每中故得親幸賞賜豐厚命其少子曷堂內侍及倍侯利
卒道武悼惜葬以魏禮謚曰忠壯王後詔將軍伊謂帥二
萬騎北襲高車餘種表統烏頻破之道武時分散諸部唯
高車以類麤獷不任使役故得別為部落後太武征蠕蠕
破之而還至漠南聞高車東部在已尼陂人畜甚衆云官
軍千餘里將遣左僕射安原等討之司徒長孫翰尚書令
劉潔等諫太武不聽乃遣原等并發新附高車合萬騎至
于已尼陂高車諸部望軍而降者數十萬落獲馬牛羊亦
百餘萬皆徙置漠南千里之地乘高車逐水草畜牧蕃息

數年之後漸知粒食歲致獻貢由是國家馬及牛羊遂至
于賤鮮皮委積文成時五部高車合聚祭天衆至數萬人
會走馬殺牲游遶歌吟忻忻其俗稱自前世以來無盛於
此會車駕臨幸莫不忻悅後孝文召高車之衆隨車駕南
討高車不願南行遂推表紇樹者為主相率北叛游踐金
陵都督宇文福追討大敗而還又詔平北將軍江陽王繼
為都督討之繼先遣人慰勞樹者入蠕蠕尋悔相率
而降高車之族又有十二姓一曰泣伏利氏二曰吐盧氏
三曰乙旃氏四曰大連氏五曰窟賀氏六曰達薄氏七曰
阿崙氏八曰莫允氏九曰俟分氏十曰副伏羅氏十一曰

乞袁氏十二曰右叔沛氏先是副伏羅部爲蠕蠕所役屬
豆輪之世蠕蠕亂離國部分散副伏羅阿伏至羅與從弟
窮奇俱統領軍高車之衆十餘萬落太和十一年豆輪犯
塞阿伏至羅等固諫不從怒率所部之衆西叛至前部西
北自立爲王國人號之曰候婁劄猶魏言大天子也窮
奇號候倍猶魏言諸主也二人和穆分部而立阿伏至羅
居北窮奇在南豆輪追討之頻爲阿伏至羅所敗乃引衆
東徙十四年阿伏至羅遣商胡越者至京師以二箭奉貢
云蠕蠕爲天子之賊臣諫之不從遂叛來此而自豎立當
爲天子討除蠕蠕孝文未之信也遣使者于提往觀虛實

阿伏至羅與窮奇遣使者薄頡隨提來朝貢其方物詔負
外散騎侍郎可足渾長生復與于提使高車各賜繡袴褶
一具雜綵百匹窮奇後爲噉噉所殺虜其子孫俄突等其
衆分散或來奔附或投蠕蠕詔遣宣威將軍羽林監孟威
撫納降人置之高平鎮阿伏至羅長子蒸阿伏至羅餘妻
謀害阿伏至羅阿伏至羅殺之阿伏至羅又殘暴大失衆
心衆共殺之立其宗人跋利延爲主歲餘噉噉伐高車將
納彌俄突國人殺跋利延迎彌俄突而立之彌俄突既立
復遣朝貢又奉表獻金方一銀方一金杖二馬七匹駝十
頭詔使者慕容坦賜彌俄突雜綵六十四匹宣武詔之曰卿

遠據沙外頻申誠款覽揖忠志特所欽嘉蠕蠕噉吐谷
渾所以交通者皆路由高昌犄角相接今高昌內附遣使
迎引蠕蠕往來路絕姦勢不得妄令羣小敢有陵犯擁塞
王人罪在不赦彌俄突尋與蠕蠕主伏圖戰於蒲類海北
爲伏圖所敗西走三百餘里伏圖次於伊吾北山先是高
昌王麴嘉表求內徙宣武遣孟威迎之至伊吾蠕蠕見威
軍怖而遁走彌俄突聞其離駭追擊大破之殺伏圖於蒲
類海北割其髮送於孟威又遣使獻龍馬五匹金銀貂皮
及諸方物詔東城子于亮報之賜樂器一部樂工八十人
赤紬十匹雜綵六十匹彌俄突遣其莫何去汾羣引叱賀

真貢其方物明帝初彌俄突與蠕蠕主醜奴戰敗被禽醜
奴繫其兩腳於駑馬之上頓曳殺之漆其頭爲飲器其部
衆悉入噉噉經數年噉噉聽彌俄突弟伊訥還國伊訥既
復國遣使奉表於是詔遣使者谷楷等拜爲鎮西將軍西
海郡開國公高車王伊訥復大破蠕蠕蠕主婆羅門走
投涼州正光中伊訥遣使朝貢因乞朱畫步挽一乘并幔
襜鞞一副織扇各一枚青曲蓋五枚赤漆扇五枚鼓角
十枚詔給之伊訥後與蠕蠕戰敗歸其弟越居殺伊訥而
自立天平中越居復爲蠕蠕所破伊訥子比適復殺越居
而自立興和中比適又爲蠕蠕所破越居子去賓自蠕蠕

奔東魏齊神武欲招納遠人上言封去實為高車王拜安
北將軍肆州刺史既而病死初道武時有吐突隣部在女
水上常與解如部相為唇齒不供職事登國二年道武親
西征度弱洛水復西行趣其國至女水上討解如部落破之
明年春盡略徙其部落畜產而還又有紇突隣與紇奚世
同部落而各有大人長帥擁集種類常為寇於意辛山登
國五年道武勒衆親討焉慕容麟率師來會大破之紇突
隣大人屋地鞬紇奚大人庫寒等皆舉部歸降皇始二年
車駕伐中山軍於栢肆慕容寶夜來攻營軍人驚走還於
國路由并州遂反將攻晉陽并州刺史元延討平之紇突
隣部帥匿物尼紇奚部帥叱奴根等復聚黨反於陰館南
安公元順討之不剋死者數千人道武聞之遣安遠將軍
庫兵還討匿物尼等皆殄之又有侯呂隣部衆萬餘口常
依嶮畜牧登國中其大人叱伐為寇於苦水河八年夏道
武大破之并禽其別帥焉古延等薛于部常屯聚於三城
之間及滅衛辰後其部帥大悉伏望半歸順道武撫安之
車駕還衛辰子屈丐奔其部道武聞之使使詔大悉伏執
送之太悉伏出屈丐以示使者曰今窮而見投寧與俱亡
何忍送之遂不遣道武大怒車駕親討之會大悉伏先出
擊曹覆寅官軍乘虛遂屠其城獲大悉伏妻子珍寶徙其

人而還太悉伏來赴不及遂奔姚興未幾亡歸嶺北上郡
以西諸鮮卑雜胡聞而皆應之天賜五年屈丐蓋劫掠總
服之及平統萬薛于種類皆得為編戶矣而帥屯山鮮卑
別種破多蘭部示傳主部落至木易干有武壯力勇劫掠
左右西及金城東侵安元數年間諸種患之天興四年遣
常山王遵討之放於高平木易干將數千騎棄國遁走蓋
徙其人於京師餘種分迸其後為赫連屈丐所滅又黜弗
素古延等諸部富而不恭天興五年材官將軍和突率六
千騎龍襄而獲之又越勤倍泥部永興五年轉牧跋那山西
七月遣奚斤討破之徙其人而還

論曰周之獫狁漢之匈奴甘作害中國故久矣魏晉之世
種族瓜分去來沙漠之陞窺擾鄣塞之際猶皆東胡之緒
餘冒頓之枝葉至如蠕蠕者匈奴之裔根本莫尋逃形集
醜自小為大風馳鳥赴儵來忽往代京由之屢駭戎車所
以不寧是故魏氏祖宗揚威曜武驅其畜產收其部落窮
之窮髮之野逐之無人之鄉豈好肆兵極銳凶器不戢蓋
亦急病除惡事不得已其狡狴疆弱之由猾虜服叛之迹
故備錄云

列傳第八十六

北史九十八

列傳第八十七

北史九十九

突厥

鐵勒

突厥者其先居西海之右獨為部落蓋匈奴之別種也姓
 阿史那氏後為隣國所破盡滅其族有一兒年且十歲兵
 人見其小不忍殺之乃刎足斷其臂棄草澤中有牝狼以
 肉餌之及長與狼交合遂有孕焉彼王聞此兒尚在重遣
 殺之使者見在狼側并欲殺狼於時若有神物投狼於西
 海之東落高昌國西北山山有洞穴穴內有平壤茂草周
 迴數百里四面俱山狼匿其中遂生十男十男長外託妻
 孕其後各為一姓阿史那即其一也最賢遂為君長故牙

明建狼頭毒縣示不忘本也漸至數百家經數世有阿賢設
者率部落出於穴中臣於蠕蠕至大業護種類漸強當魏
之末有伊利可汗以兵擊鐵勒大敗之降五萬餘家遂求
婚於蠕蠕主阿那瓌大怒遣使罵之伊利斬其使率眾襲
蠕蠕破之卒弟阿逸可汗立又破蠕蠕病且卒捨其子攝
圖立其弟倭叔稱爲木杆可汗或云突厥本平涼雜胡姓
阿史那氏魏太武帝滅沮渠氏阿史那以五百家奔蠕
蠕世居金山之陽爲蠕蠕鐵工金山形似堯鞞借號堯鞞
突厥突厥因以爲號又曰突厥之先出於索國在匈奴之
北其部落大人曰阿諤步兄弟七十人其一曰伊質泥師
都狼所生也阿諤步等性竝愚癡國遂被滅泥師都既別
感異氣能徵凶風雨娶二妻云是夏神冬神之女一孕而
生四男其一變爲白鴻其一國於阿輔水劍水之間號爲
契骨其一國於處折水其一居跋斯處折施山即其大兒
也山上仍有阿諤步種類竝多寒露大兒爲出火溫養之
咸得全濟遂共奉大兒爲主號爲突厥即納都六設也都
六有十妻所生子皆以母族姓阿史那是其小妻之子也
都六死十母子內欲擇立一人乃相率於大樹下共爲約
曰向樹跳躍能最高者即推立之阿史那子年幼而跳最
高諸子遂奉以爲主號阿賢設此說雖殊終狼種也其後

曰土門部落稍盛始至塞上市縉絮願通中國西魏大統
十一年周文帝遣酒泉胡安諾槃陀使焉其國皆相慶曰
今大國使至我國將興也十二年土門遂遣使獻方物時
鐵勒將伐蠕蠕土門率所部邀擊破之盡降其衆五萬餘
落恃其強盛乃求婚於蠕蠕主阿那瓌大怒使人言辱之
曰爾是我鍛奴何敢發是言也土門亦怒殺其使者遂與
之絕而求婚於魏周文帝許之十七年六月以魏長樂公
主婁之是歲魏文帝崩土門遣使來弔贈馬二百疋廢帝
元年正月土門發兵擊蠕蠕大破之於懷芒北阿那瓌自
殺其子菴羅辰奔齊公衆復立阿那瓌叔父鄧叔子爲主

土門遂自號伊利可汗猶古之單于也號其妻爲可賀敦
亦猶古之閼氏也亦與齊通使往來土門死子科羅立科
羅號乙息記可汗又破叔子於沃野北賴山且死捨其子
攝圖立其弟俟斤是爲木杆可汗俟斤一名燕都狀貌奇
異面廣尺餘其色赤甚眼若瑠璃剛暴勇而多知務於征
伐乃率兵擊鄧叔子破之叔子以其餘燼奔西魏俟斤又
西破嚙噠東走契丹北并契骨威服塞外諸國其地東自
遼海以西至西海萬里南自沙漠以北至北海五六千里
皆屬焉抗衡中國後魏伐齊至并州其俗被髮左衽穹
廬氈帳隨逐水草遷徙以畜牧射獵爲事食肉飲酪身衣

裘褐賤老貴 結鼻取耻無禮義猶古之匈奴其主初立近
侍重臣等鹽之以甌隨日轉九回每回臣下皆拜拜訖乃
扶令乘馬以帛絞其頸使纔不至絕然後釋而急問之曰
你能作幾年 可汗其主既神情矍亂不能詳定多少臣下
等隨其所言以驗脩短之數大官有葉護次特勤次俟利
發次吐毛發 又餘小官凡二十八等皆世為之兵器有角
弓鳴鏑甲梢刀 劍佩飾則兼有伏突旗纛之上施金狼頭
侍衛之士謂之 附離 其言亦狼也蓋本狼生志不忘舊善
騎射性殘忍血 文字 兵微發其馬反諸稅雜畜刻木為數
并一金鏃箭 珮封印之以為信契候 月將滿轉為寇抄其

刑法反叛殺 及女奴人之婦盜馬淫者皆死淫者割勢而
腰斬之姦人 者重責財物即以其女妻之鬪傷人者隨
輕重輸物傷 目者償以女無女則輸婦財折支體者輸馬
盜馬及雜物 百各十餘倍徵之死者停屍於帳子孫及親
屬男女各殺 羊馬陳於帳前祭之遠帳走馬七匝詣帳門
以刀斃面且 天血淚俱流如此者七度乃止擇日取亡者
所乘馬及經 服用之物并屍俱焚之收其餘灰待時而葬
春夏死者候 草木黃落秋冬死者候葦茂然後坎而瘞之
葬日親屬以 緊及走馬斃面如初死之儀表為塋立屋中
圖畫死者形 儀及平生時所戰陣狀常殺一人則立一石

有至千百者又以吹示之羊馬頭盡懸之於標上是日也男女咸盛服飾會於葬所男有悅愛於女者歸即遣人聘問其父母多不違也又兄伯叔死子弟及姪等妻其後母世叔母嫂唯齒者不得下淫移徙無常而各有地分可汗恒處於都斤山牙帳東開蓋敬日之所出也每歲率諸真人祭其先窟又以五月中旬集他人水拜祭天神於都斤西五百里有高迥山出上無草樹謂爲勃登疑梨長言地神也其書字類胡至不知年曆唯以草青爲記男子好擣蒲女子踏鞠飲馬酪取醉歌呼相對敬鬼神信巫重兵死耻病終人搖輿如匈同俗俟斤部衆旣盛乃遣使請誅鄒叔

子等周文帝許之收叔子已下千人付其使者殺之於青門外三年俟斤龍擊吐谷渾破之周明帝二年俟斤遣使來獻保定元年又遣三輩貢其方物時與齊人交爭戎車歲動故連結之以爲外援初恭帝時俟斤許進女於周文帝契未定而周文崩尋而俟斤又以他女許武帝未及結納齊人亦遣求婚俟斤貪其幣厚將悔之至是武帝詔遣涼州刺史楊荐武伯王慶等往結之慶等至諭以信義俟斤遂絕齊使而定婚焉仍請舉國東伐於是詔隋公楊忠率衆一萬突厥伐齊忠軍度陁嶺俟斤率騎十萬來會明年正月攻齊主於晉陽不尅俟斤遂縱兵大掠而還忠還

言於武帝曰突厥甲兵惡賞罰輕首領多而無法令何謂
難制馭由此者使人妄道其強盛欲令國家厚其使者身
往重取其報朝廷受其虛言將士望風畏懼但虜態詭健
而實易與耳今以臣觀之前後使人皆可斬也武帝不納
是歲侯斤復遣使來獻更請東伐詔楊忠率兵出沃野晉
公護趣洛陽以應之會護戰不利侯斤引還五年詔陳公
純大司徒宇文貴神武公竇毅南安公楊荐往迎女天和
二年侯斤又遣使來獻陳公純等至侯斤復貳於齊會有
雷風變乃許純等以后歸四年又遣使貢獻侯斤死復捨
其子大邏便而立其弟是爲他鉢可汗他鉢以攝圖爲尒

伏可汗統其東面又以其弟褥但可汗爲步離可汗居西
方自侯斤以來其國富強有凌轡中夏之志朝廷旣與之
和親歲給繒絮錦綵十萬段突厥在京師者又待以優禮
衣錦食肉常以千數齊人懼其寇掠亦傾府藏以給之他
鉢彌復驕傲乃令其徒蠶曰但使我在南兩箇兒孝順何
憂無物邪齊有沙門惠琳掠入突厥中因謂他鉢曰齊國
富強皆爲有佛法遂說以因果報之理他鉢聞而信之
建一伽藍遣使聘齊求淨名涅槃華嚴等經十人并誦律
他鉢亦躬自齋戒遠塔行道恨不生內地建德二年他鉢
遣使獻馬及齊滅齊定州刺史范陽王高紹義自焉邑奔

之他鉢立紹義為齊帝召集所部云為之復讎宣政元年
四月他鉢遂入寇幽州柱國劉雄拒戰兵敗死之武帝親
搃六軍將北伐會帝崩乃班師是冬他鉢復寇邊圍酒泉
大掠而去大象元年他鉢復請和親帝策趙王招女為千
金公主以嫁之并遣執紹義送關他鉢不許仍寇并州二
年始遣使奉獻且迎公主為親而紹義尚留不遣帝又令
賀若詎往諭之始送紹義他鉢病且卒謂其子菴邏曰吾
聞親莫過於父子吾兄不親其子委位於我我死汝當避
大邏便及卒國中將立大邏便以其母賤眾不服菴邏實
貴突厥素重之攝圖最後至謂國中曰若菴邏者我當
率兄弟以事之如立大邏便我必守境利刃長矛以相待
攝圖長而且雄國人莫敢拒竟立菴邏為嗣大邏便不得
立心不服菴邏每遣人詈辱之菴邏不能制因以國讓攝
圖國中相與議曰四可汗子攝圖最賢因迎立之號伊利
俱盧設莫何始波羅可汗一號沙鉢略居都斤山菴邏降
居獨洛水稱第三可汗大邏便乃謂沙鉢略曰我與尔俱
可汗子各承父後尔今極尊我獨無位何也沙鉢略患之
以為阿波可汗還領所部沙鉢略勇而得眾北夷皆歸附
之隋文帝受禪待之甚薄北夷大怨會營州刺史高寶寧
作亂沙鉢略與之合軍攻陷臨渝鎮上敕緣邊修保鄣峻

長城以備之沙鉢略妻周千金公主傷宗祀絕滅由是悉
衆來寇控絃士四十萬上令柱國馮昱屯乙弗泊蘭州摠
管叱李崇屯幽州達奚長儒據周槃皆爲虜敗於是縱兵
自木破石門兩道來寇武威天水安定金城上郡弘化延
安六畜咸盡天子震怒下詔曰往者周齊抗衡分割諸夏
突歿之虜俱通二國周人東慮恐齊好之深齊氏西慮懼
周交之厚各謂虜意輕重國遂安危非徒竝有大敵之憂
思減一邊之防竭生靈之力供其來往傾府庫之財棄於
沙漠重夏之地實爲勞擾朕受天明命子育萬方愍臣下
之勞除既往之愆天回入賊之物加賜將士息在路之人務

於耕織凶醜愚闇未知深旨將大定之曰比戰國之時英
昔世之驕結今時之恨近者盡其巢窟俱犯北邊而遠鎮
偏師逢而摧翦未及南上遽已奔北且彼渠帥其數凡五
昆季爭長父叔相猜世行暴虐家法殘忍東夷諸國盡挾
私讎西戎群長皆有宿怨突歿之比契骨之徒切齒磨牙
常伺其後達頭前攻酒泉于闐波斯揖怛三國一時即叛
沙鉢略近趣周槃其部內薄孤東紇羅尋亦翻動往年利
稽察大爲高麗蘇耄所破沙毗設又爲紇又可汗所殺與
其爲鄰皆願共勦惡逆之下盡異種人千種萬類仇敵怨
偶泣血拊心愆惡積恨國音方足皆人類也有一於此更

切朕懷彼地各徵秋作將年一紀乃獸為人語人作神言
云其國亡訖而不元每冬霜震觸地火生種類資給唯藉
水草去歲四時竟無雨雪川枯蝗暴卉木燒盡飢殍死亡
人畜相半舊居之地赤土無依遷徙漠南逾存畧刻斯蓋
上天所忿驅就齊斧幽明合契今也其時故選將練兵
糧聚中矣士奮發壯夫肆憤願取名王之首思捷單于之
背此則王恢所說其猶射灘何敵能當何遠不剋但皇王
舊迹北止幽都荒遐之末文軌所棄得其地不可而居得
其人不忍皆殺無勞兵革遠規溟海普告海內知朕意焉
於是河間王弘上柱國且盧勣實榮定左僕射高顯右
僕射盧慶則並為元帥出塞擊之沙鉢略率阿波貪汗二
可汗來拒戰皆敗走時虜飢不能食粉骨為糧又多災疫
死者極衆既而沙鉢畧以阿波驍悍忌之因其先歸襲擊
其部大破之殺阿波母阿波還無所歸西奔達頭可汗達
頭者名玷厥沙鉢畧之從父也舊為西面可汗既而大怒
遣阿波率兵而東其部落歸之者將十萬騎遂與沙鉢畧
相攻又有貪汗可汗素睦於阿波沙鉢畧奪其衆而廢之
貪汗亡奔達頭沙鉢畧從弟地勒察別統部落與沙鉢畧
有隙復以衆叛歸阿波連兵不已各遣詣闕請和求援上
皆不許會千金公主上書請為一子之例文帝遣開府徐

平和使於沙鉢略晉王廣時鎮并州請因其豐乘之上不
許沙鉢略遣使致書曰辰年九月十日從天生大突厥天
下賢聖天子伊利俱盧設莫何始波羅可汗致書大隋皇
帝使人開府徐平和至辱告言語具聞也皇帝是婦父即
是翁此是女婿即是兒例兩境雖殊情義是一今重疊親
舊子子孫孫乃至萬世不斷上天為證終不違負此國所
有羊馬都是皇帝畜生彼有縉綵都是此物彼此不異也
文帝報書曰大隋天子貽書大突厥伊利俱盧設莫何沙
鉢略可汗得書知大有好心向此也既是沙鉢略婦翁人
日看沙鉢略共兒子不異既以親舊厚意常便之外今

另遣大臣虞慶則往彼看女復看沙鉢略也沙鉢略陳其
列其寶物坐身慶則稱病不能起且曰我伯父以來不向
人拜慶則責而諭之千金公主私謂慶則曰可汗豺狼性
過與爭將齧人長孫晟說諭之攝圖屈乃頓顙受璽書以
戴於首既而大慙其群下因相聚慟哭慶則又遣稱臣沙
鉢略謂其屬曰何名為臣報曰隋國臣猶此稱奴沙鉢略
曰得作大隋天子奴虞僕射之力也贈慶則馬千匹并以
從妹妻之時沙鉢略既為達頭所困又東畏契丹遣使告
急請將部落度漠南寄居白道川內有詔許之晉王廣以
兵接之給以衣食賜以車服鼓吹沙鉢略因西擊阿波破

禽之而阿拔國部落乘虛掠其妻子官軍為擊阿拔敗之
所獲悉與沙鉢略鉢略大喜乃立約以磧為界因上表曰
大突厥伊利俱盧設始波羅莫何可汗臣攝圖言大使尚
書右僕射虞慶則至伏奉詔書兼宣慈旨仰惟恩信之著
愈久愈明徒知負荷不能答謝突厥自天置以來五十餘
載保有沙漠自王蕃隅地過萬里士馬億數恒力兼戎夷
抗禮華夏在於戎狄莫與為大頃者氣恢清和風雲順序
意以華夏其有大聖興焉伏惟大隋皇帝真皇帝也豈敢
阻兵恃險偷竊名號今便感慕淳風歸心有道雖復南瞻
魏闕山川悠遠北面之禮不敢廢當令侍子入朝神馬歲

貢朝夕恭承惟命是視謹遣第七兒臣窟含直等奉表以
聞文帝下詔曰沙鉢略往雖與和猶是二國今作君臣便
成一體已敕有司肅告郊廟宜傳播天下咸使知聞自是
詔答諸事並不稱其名以異之其妻可賀敦周千金公主
賜姓楊氏編之屬籍改封大義公主策拜窟含直為柱國
封安國公宴於內殿引見皇后嘗勞甚厚沙鉢略大悅於
是歲時貢獻不絕七年正月沙鉢略遣其子入貢方物因
請獵於相代之間詔許之乃遣使人賜其酒食沙鉢略率
部落再拜受賜沙鉢略一日至殺鹿十八頭齎足舌以獻還
至紫河鎮其牙帳為火所燒沙鉢略惡之月餘而卒上為

之廢朝三日遣太常弔祭焉贈物五千段初攝圖以其子
雍虞閭性悞遺令立其弟燕護處羅侯雍虞閭遣使迎處
羅侯將立之處羅侯曰我突厥自木杆可汗來多以弟代
兄以庶奪嫡失先祖之法不相敬畏汝當嗣位我不憚拜
汝也雍虞閭又遣使謂處羅侯曰叔與我父共根連體我
是枝葉寧有我作主令根本反同枝葉願叔勿疑相讓者
五六處羅侯竟立是為葉護遣使上表言狀上賜之鼓吹
幡旗處羅侯長頤倭背眉目踈朗勇而有謀以隋所賜旗
鼓西征阿波敵人以為得隋兵所助多來降附遂禽阿波
既而上書請阿波死生之命上下其議左僕射高穎進曰

骨肉相殘教之蠹也宜存養以二至見大上曰善穎因奉觴
進曰自軒轅以來獯粥多為邊患公遠窮北海皆為臣妾
此之盛事振古未聞臣敢再拜上書後處羅侯又西征中
流矢卒其眾奉雍虞閭為主是為加額伽施多那都藍可汗
雍虞閭遣使詣闕賜物二千段每歲遣使朝貢時有流人
楊欽亡入突厥中謬云二國公劉和與宇文氏謀反今六
義公主發兵擾邊都藍無欽以聞并貢勅布魚膠其弟欽
羽設部落強盛都藍之西擊之斬首於陣其年遣其母弟
孛特勒獻于闐王杖一拜褥但為二國康國公明年突
厥遣使貢馬萬匹羊一萬口駝牛各五百

頭尋遣請緣邊罽而與中國貿易詔許之平陳後上以陳
叔寶屏風賜大義公三三心恒不平因書屏風為詩愈陳
亡以自寄曰盛衰等朝暮世道若浮萍榮華實難守池臺
終自平富貴今安在空事寫丹青益酒怕無樂絃歌詎有
聲余本皇家子飄流入虜庭一朝覩成敗懷抱忽縱橫古
來共如此非我獨申名唯有昭君曲偏傷遠嫁情二閨惡
之禮賜益薄公主復與西突厥泥利可汗連結上恐其為
變將圖之會主與所從胡私通因發其事下詔廢之恐部
藍不從遣奇章公牛弘將美妓四人以啗之時沙鉢略子
曰染干號突利可汗居北方遣使求婚上令裴矩謂曰當

殺大義公主方許婚突利以為然復請之都護因
殺公主於帳中藍因突利可汗有隙數相征伐一和解之各
引兵去十七年突利遣使來逆女上舍之太常教習六禮
妻以宗女義安公主上欲離間北狄故特厚其禮遣牛弘
蘇威斛律孝卿相繼為使突厥前後遣使入朝三百七十
輩突利本居北方以尚主故南徙度斤舊鎮錫賚優厚雍
虞閭怒曰我大可汗也反不如染干於是朝貢遂絕數為
邊患十八年詔蜀王秀出靈州道擊之明年又遣漢王諒
為元帥左僕射高穎率將軍王察上柱國趙仲卿並出朔
州道右僕射楊素率柱國李徹韓僧壽出靈州道柱國燕

榮出幽州以擊之雍虞閭與玷厥舉兵攻染干盡殺其兄
弟子女遂渡河入蔚州染干夜以五騎與隋使長孫晟歸
朝上令染干與雍虞閭使者因頭特勒相辯詰染干辭直
上乃厚待之雍虞閭弟都速六棄其妻子與突利歸朝上
嘉之敕染干與都速六擐稍輸以寶物用歸其心六
月高頴楊素擊玷厥大破之拜染干為意利珍豆啓人可
汗華言益智健也啓人上表謝恩上於朔州築大利城以
居之時義安公主已卒上以宗女義成公主妻之部落歸
者甚衆雍虞閭又擊之上復令入塞雍虞閭侵掠不已遂
遷於河南在夏勝二州間發徒掘塹數百里東西距河盡

為啓人畜牧地於是遣越國公楊素出靈州行軍總管歸
僧壽出慶州太平公史萬歲出燕州大將軍姚辯出河州
以擊都藍師未出塞而都藍為其麾下所殺達頭自立為
步迦可汗其國大亂遣太平公史萬歲出朔州以擊之遇
達頭於大斤山虜不戰而遁遣其子侯利伐從磧東攻
啓人上又發兵助啓人守要路侯利伐退走入磧啓人上
表陳謝曰大隋聖人隨可汗憐養百姓蒙恩赤心歸服或
南入長城或住白道染干如枯木重起枝葉枯骨重生皮
肉千世萬世長與大隋典羊馬也仁壽元年代州總管韓
洪為虜敗於恒安詔楊素為雲州道行軍元帥率啓人北

征斛薛等諸姓初附於啓人至是而叛素軍河北逢突厥
阿勿思力俟斤等南渡掠啓人男女雜畜而去素率上大
將軍梁默追之大破俟斤悉得人畜以歸啓人素又遣柱
國張定和領軍大將軍劉昇別路邀擊竝多斬獲而還兵
旣渡河賊復掠啓人部落素率驃騎范貴於窟結谷東南
復破之是歲泥利可汗及葉護俱被鐵勒所敗步迦尋亦
大亂奚霫五部內徙步迦奔吐谷渾啓人遂有其衆遣使
朝貢大業三年煬帝幸榆林啓人及義城公主來朝行宮
前後獻馬三千匹帝大悅賜帛萬三千段啓人及義城公
主上表曰已前聖人先帝莫緣可汗存日憐臣賜臣女義

公主臣種未爲聖人先帝憐養臣兄弟妬惡相共殺臣臣
當時無處去向上看只見天下看只見地實憶聖人先帝
言語投命去來聖人先帝見臣大憐臣死命養活勝於往
前遣臣作大可汗坐著也突厥百姓死者以外還聚集在
百姓也至尊令還如聖人先帝於天下四方坐也還養活
臣及突厥百姓實無少短至尊憐臣時乞依大國服飾法
用一同華夏帝下其議公卿請依所奏帝以爲不可乃詔
曰君子教人不求變俗何必化諸削社靡以長纓仍璽書
答啓人以爲積此未靜猶復征戰但使存心孝順何必改
衣服也帝法駕御千人大帳享啓人及其部落酋長三千

五百人賜物二千段其下各有差復下詔褒寵之賜路車乘馬鼓吹幡旗贊拜不名位在諸侯王上帝親巡雲中沂金河而東北幸啓人所居啓人奉觴上壽跪伏甚恭帝大悅賦詩曰鹿塞鴻旗駐龍庭羣輦回氍帳望風舉穹廡高日開呼韓頰頰至屠者接踵來索辦擊羶肉韋講獻酒盃何如漢天子空上單于臺帝賜放及及主金甕各一及衣服被褥錦綵特勒以下各有差先是高麗私通使啓人所啓人不敢隱境外之交是日持高麗使見敕令牛弘宣旨謂曰朕以啓人誠長奉國故親至其所明年當往涿郡介回日語高麗主宜早來朝使人甚懼啓人乃苞從入塞至

定襄詔令歸蕃明年朝於東都禮賜益厚是歲疾終上為廢朝三日其子吐吉立是為始畢可汗表續尚公主詔從其俗十一年來朝於東都其年車駕避暑於陽宮八月始畢率其種落入寇圍帝於衙門援兵方至始畢引去由是朝貢遂絕明年復寇馬邑唐公擊走之隋末亂離中國人歸之者無數遂大強盛迺蕭后置於定襄薛舉竇建德王世充劉武周梁師都李軌高開道之徒雖僭尊號皆稱臣受其可汗之號使者往來相均於道西突厥者木杆可汗之子大邏便也與沙鉢略有隙因分為一漸以強盛東拒都斤西至龜茲鐵勒伊吾及西域諸胡悉附之大邏便為

颯羅侯所執其國立鞅素特勤之子是為泥利可汗卒子
達漫立號泥撮颯羅可汗其母向氏本中國人生達漫而
泥利卒向氏又嫁其弟達實特勤開皇末達實共向氏入
朝遇達頭之亂遂留京師每舍之鴻臚寺颯羅可汗居無
恒颯羅終多在烏孫故地復立一小可汗分統所部一在石
國北以制諸胡國一居龜茲北其地各應娑官有俟發閭
洪達以評議國事自餘與東國同每五月八月聚祭神歲
使重臣向其先世所居之窟致祭為富大業初颯羅可汗
撫御無道其國多叛與鐵勒屢相攻六為鐵勒所敗時黃
門侍郎裴矩在敦煌引致西域聞其國亂復知颯羅思其
母氏因奏之煬帝遣司朝謁者崔君肅齎書慰諭之颯羅
甚踞受詔不肯起君肅謂颯羅曰突厥本一國也中分為
二自相仇敵每歲交兵積十年而莫能相滅者明知啓人
與颯羅國其勢敵耳今啓人舉其部落兵且百萬入臣天
子甚有丹誠者何也但以切恨可汗而不能獨制故卑事
天子以借漢兵連二大國欲滅可汗耳百官兆庶咸請許
之天子弗違師出有日矣顧可汗母向氏本中國人歸在
京師颯于賓館聞天子之詔懼可汗之滅旦夕守闕哭甚
悲哀是以天子憐焉為其輟策向夫人又匍匐謝罪因請
發使以召可汗令入內屬乞恩於啓人天子從之遣使到

此可汗若稱藩拜詔國乃永安而母得延壽不然者則向夫人為誑天子必當取戮而傳首虜庭發大隋之兵資此蕃之衆左提右挈以擊可汗死亡則無日矣奈何惜兩拜之禮剗慈母之命恠一句稱臣喪匈奴之國也虜羅聞之瞿然而起流涕再拜跪受詔書君肅又說虜羅曰啓人內附先帝嘉之賞賜極厚故致兵強國富今可汗後附與之爭寵須深結於天子日表至誠既以遠道未得朝覲宜立一功以明臣節虜羅曰如何君肅曰吐谷渾者啓人少子莫賀咄設之母家也今天子又以義城公主妻於啓人畏天子之威而與之絕吐谷渾亦因憾漢職貢不脩可汗若

請誅之天子必許漢擊其內可汗攻其外破之必矣然後自入朝道路無阻因見老母不亦可乎虜羅大喜遂遣使朝貢帝將西狩六年遣侍御史韋節召虜羅令與車駕會於大斗拔谷其國人不從虜羅謝使者辭以他故帝大怒無如之何適會其酋長射匱遣使來求婚裴矩奏曰虜羅不朝恃強大耳臣請以計弱之分裂其國即易制也射匱者都六之子達頭之孫世為可汗君臨西面今聞其失職附隸於虜羅故遣使來以結援願厚禮其使拜為大可汗則突厥勢分兩矣帝曰公言是也因遣裴矩朝夕至館微諷喻之帝於仁風殿召其使者言虜羅不順之意稱射匱

有奸心吾將立爲大可汗令發兵誅颯羅然後當爲婚也
取桃竹白羽箭一枚以賜射匱因謂之曰此事且速使疾
如箭也使者返路經颯羅愛其箭將留之使者譎而得免
射匱聞而大喜與兵襲颯羅大敗棄妻子將左右數千騎
東走在路又被劫掠遁於高昌東保時羅漫山高昌王麴
伯雅上狀帝遣裴矩將向氏親要左右馳至玉門關言
城矩遣向氏使詣颯羅所論朝廷弘養之義丁寧曉喻之
遂入朝然每有怏怏之色以七年冬颯羅朝於臨朔宮帝
享之颯羅稽首謝曰臣自西面諸蕃不得早來朝拜今參
見遲晚罪責極深臣心畏悚懼不能盡道帝曰往者與突

厥遞相侵擾不得安君今四海旣清與一家無異朕皆欲
存養使遂性靈壽如上天止有一箇日照臨莫不寧帖
若有兩箇三箇日萬物何以得安比者亦知颯羅摠攝事
繁不得早來相見今日見颯羅懷抱豁然歡喜颯羅亦當
豁然不煩枉意明年元會颯羅上壽曰自天以下地以上
日月所照唯有聖人可汗今是大日願聖人可汗千歲萬
歲萬歲如今日也詔留去羸弱萬餘口令其弟達度闕設牧
畜舍寧郡颯羅從征高麗號爲曷薩那可汗賞賜甚厚十
年正月以信義公主嫁焉賜錦綵袍千具綵萬匹帝將復
并西地以遼東之役故未遑也每從行幸江都之亂隨化

及至河北化及將敗奔歸京師為北蕃突厥所害鐵勒之
先匈奴之苗裔也種類最多自西海之東依山據谷往往
不絕獨洛河北有漢骨同羅韋紇拔也古覆並號俟斤蒙
陳吐如紇斯結渾斛薛等諸姓勝兵可二萬伊吾以西焉
者之北傍白山則有契莫薄落職乙啞蘇婆那曷烏護紇
骨也啞於尼護等勝兵可二萬金山西南有薛延陀啞勒
兒十槃達契等一萬餘兵康國北傍阿得水則有訶啞曷
截撥忽比干具海曷比悉何啞蘇拔也末謁達等有二萬
許兵得疑海東西有蘇路羯三素咽噠從薩忽等諸姓八
千餘俱東蘇則有屈屈阿蘭北樺九離伏嗚昏等近二萬

人北海南則都波等雖姓氏各別均謂為鐵勒並世君長
分屬東西兩突厥居無恒所隨水草流移人性凶忍善於
騎射貪婪尤甚以寇抄為生近西邊者頗為藝植多牛而
少馬自突厥有國東西征討皆資其用以制北荒開皇末
晉王廣北征納啓人破步迦可汗鐵勒於是分散大業元
年突厥颉羅可汗擊鐵勒諸部厚稅斂其物又猜忌薛延
陀等恐為變遂集其魁帥數百人盡誅之由是一時反叛
拒颉羅遂立俟利發俟斤契莫歌楞為易勿肯莫何可汗
君貪汗山復立薛延陀內俟斤子也啞為小可汗既敗莫
何可汗始大莫何勇毅絕倫其得衆心為隣國所憚伊吾

高昌焉者諸國悉附其俗大抵與突厥同唯丈夫婚畢便就妻家待產乳男女然後歸舍死者埋殯之此其異也大業三年遣使貢方物自是不絕云

論曰四夷之為中國患也久矣北狄尤甚焉種落繁迭雄邊塞年代遐邇非一時也五帝之世則有獯鬻其在三代則獫狁焉逮乎兩漢則匈奴焉當秦與午則烏丸鮮卑焉後魏及周則蠕蠕突厥此其酋豪相繼于為君長者也昔以畜牧為業侵抄為害後來忽往雲飛鳥集智謀之士議和親於廟堂之上折衝之臣論奮擊於塞垣之下然事無恒規權無定勢親疎因其疆弱服叛在其盛衰衰則

欵塞頽頽盛則率兵寇掠屈伸異能強弱相反正朔所不及冠帶所不加唯利是視不顧盟誓至於莫相救護驕黠憑陵和親結約之謀行師用兵之事先史論之備矣故不詳而究焉及蠕蠕衰烈突厥始大至於木杆遂雄朔野東極舊境西盡烏孫之地警弓數十萬別處於代陰南向以臨周齊二國莫之能抗爭請盟好求結和親乃曰與周合從終亡齊國隋文遷冢非厥徒孔熾負其衆力將蹈秦郊內自相圖遂以垂亂達于可汗遠道啓人願保塞下於是推亡固存返其舊地助討餘燼部衆遂彊卒於仁壽不侵不叛暨乎始畢未虧臣禮煬帝撫之非道始有鴈門之圍俄

屬群盜並興於此浸以雄盛豪傑雖建名號莫不請好息
人於是分置官司摠統中國子女玉帛相繼於道使者之
車往來結轍自古蕃夷驕僭未有若斯之甚也及聖哲應
期掃除氛祲暗於時變猶懷抵拒率其群醜屢墮亭鄣殘
敗我雲代搖蕩我太原肆掠於涇陽飲馬於渭汭太宗文
皇帝竒謀內運神機密動遂使百世不羈之虜一舉而滅
瀚海龍庭之地盡為九州幽都窮髮之鄉隸於編戶是帝
皇所不及書契所未聞由此言之雖天道有盛衰亦人事
之工拙也加以爲而帝特育而弗居類天地之含容同陰
陽之化育斯乃大道之行也固無得而稱焉 列傳卷終

唐傳第八十八

北史一百

李氏之先出自帝顓頊高陽氏當唐堯之時高陽氏有才
子曰庭堅爲堯大理以官命族爲理氏歷夏殷之季其後
理徵字德靈隸爲翼隸中吳伯以古且道不容得罪于紂其
妻契和氏攜子利貞逃隱伊侯之墟食木子而得全遂改
理爲李氏周時裔孫曰乾娶于益壽氏女嬰敷生子耳字
伯陽爲柱下史子孫散居諸國或在趙或在秦在魏者爲
段干大夫段干木其後也別孫悝爲魏文侯興富國之術
焉在趙者曰曇以功封柏人武安君牧其後也在秦者名
興族爲將軍生子伯祐建功北狄封南鄭公伯祐生二子

平燕內德子信爲秦將虜燕太子丹信孫元曠任漢爲侍
中元曠弟仲翔位太尉仲翔討叛羌於素昌一名狄道仲
翔臨陣殞命葬狄道川因家焉史記李將軍傳所云其先
自槐里徙居成紀實始此也仲翔曾孫廣仕漢歷文景武
三帝位前將軍立功沙漠廣子當戶椒敢當戶子陵戰歿
當戶椒敢歷侍中郎中令關內侯生子禹位至侍中並事
具漢史禹生承公承公生蜀郡太守先先生長宗長宗生
博士況況生孝廉本本字上明生巴郡太守次公次公生
臨淮太守軌軌字逸文生積弩將軍隆隆字業緒生雍雍
字儁熙仕魏歷尚書郎濟北東莞二郡太守雍生柔柔字

德遠晉舉秀才爲相國從事中郎北地太守雍生弁字季
子高亮果毅有智局晉末大亂與從兄卓居相國晉王保
下卓位相國從事中郎保政刑不脩卓率宗族奔于張寔
弁亦隨焉因仕于張氏爲驍騎左監弁本名良妻姓梁氏
張駿謂弁曰卿名良妻又姓梁今子孫何以目其舅氏昔
耿弁以弱年立功啓中興之業吾方賴卿有同耿氏乃使
名弁歷天水太守衛將軍封安西亭侯卒年五十六贈武
衛將軍建初中追謚景公子昶字仲堅幼有名譽年十八
而亡建初中追謚簡公涼武昭王高字玄盛小字長生簡
公昶之子也遺腹而誕祖母梁氏親加撫育幼好學性沈

敏寬和美器度通涉經史亦長文義及長頗習武藝誦孫
吳兵法常與呂光太史令郭鑿及其同母弟宋繇同宿餐
起謂繇曰君當位極人臣李君必有國土之分家有駟黃
馬生白額駒此其時也及呂光之末段業自稱涼州牧以
昭王為効殺令而燉煌護軍馮翊郭謙沙州中從事燉煌
索仙等以昭王溫殺有惠政推為寧朔將軍燉煌太守昭
王初難之會宋繇任於業告歸言於昭王曰兄忘郭鑿言
邪白額駒今已生矣昭王乃從之尋進號冠軍將軍稱蕃
于業僭稱涼王其右衛將軍索嗣攝昭王于業乃以嗣為
燉煌太守率騎而西昭王命師擊走之於是晉昌太守唐

瑤移檄六郡推昭王為大都督大將軍涼公領秦涼二州
牧護羌校尉依竇融故事昭王乃赦境內建元號庚子追
崇祖考大開霸府置左右長史司馬從事中郎備置寮案
廣關土宇屯玉門陽關大田積穀為東討之資立靖恭堂
以議朝政閱武事焉圖讚自古聖帝明王忠臣孝子烈士
貞女親為序頌以明鑒誠之義當時文武群公寮佐亦皆
圖讚所志五年改元為建初遣舍人黃始梁興間行歸表
於晉是歲乃自燉煌徙都酒泉又以表未報復遣沙門法
泉間行通表建鄴于時百姓樂業請勒銘酒泉乃使儒林
祭酒劉彥明為文刻石頌德又有白狼白兔白雀白雉白

鳩等集于園間群下以爲白祥金精所誕皆應時邕而至
又有神光甘露連理嘉禾衆瑞請史官記其事昭王從之
上巳日讌于曲水命群寮賦詩昭王親爲之序於是寫諸
葛亮訓誡以勗諸子焉昭王以綿世之量爲群雄所奉兵
無血刃遂啓霸業乃脩燉煌舊塞薨謚曰武昭王廟號高
祖陵號建世武昭王十子譚歆讓惛恂翻豫宏眺亮世子
譚早卒後主諱歆字士業武昭王第二子也武昭王薨府
寮奉爲都督大將軍涼公領涼州牧護羌校尉大赦境內
改元爲嘉興尊母尹氏爲太后在位四年爲沮渠蒙遜所
敗國亡武昭王以魏道武皇帝天興二年立後主以明元

皇帝太常五年而亡據河右凡二世二十一年世子重耳
奔于江左遂仕于宋後歸魏位弘農太守即皇室七廟之
始也後主弟讓字士遜雅量凝重善於謀略位寧朔將軍
領西羌校尉輔國將軍晉燉煌太守新鄉侯贈驃騎大將
軍謚曰穆讓弟惛字士正位晉昌燉煌太守惛弟恂字士
如有幹略位酒泉燉煌太守遇家國之難而終恂弟翻字
士舉小字武疆英雄秀出有雄略位車騎將軍祈連酒泉
晉昌郡太守翻弟豫字士寧位西海太守豫弟宏字士讚
位前將軍中華令宏弟眺字士遠位左將軍眺弟亮字士
融位右將軍寶字懷素小字衍孫晉昌太守翻之子也沈

雅有度量驍勇善撫接遇家難為沮渠蒙遜囚于姑臧歲
餘與舅趙唐契北奔伊吾臣於蠕蠕其遺衆之歸附者稍
至二千寶傾身禮接甚得其心衆皆為之用每希報雪屬
太武遣將討沮渠無諱於燉煌無諱捐城道走寶自伊吾
南歸燉煌遂脩繕城府規復先業遣弟懷達奉表歸誠太
武嘉其忠款拜懷達散騎常侍燉煌太守別遣使授寶使
持節侍中都督西垂諸軍事鎮西大將軍開府儀同三司
領護西戎校尉沙州牧燉煌公乃鎮燉煌四品已下聽承
制假授真君五年因入朝遂留京師拜外都太官轉鎮南
將軍并州刺史還除內都太官文成初代司馬文鎮懷荒

改營鎮北將軍太安五年薨年五十三詔賜命服一襲贈
以本官謚曰宣有六子承茂輔佐公業冲公業早卒承字
伯業少有謀略初寶欲歸款僚庶多有異議承時年十三
勸寶速定大計於是遂決寶仍令承隨表入賀太武深相
器異禮遇甚優賜爵姑臧侯後遭父憂居喪以孝聞承應
傳先封以自有爵乃以本封讓弟茂時論多之承方裕有
鑒裁為時所重文成末以散侯出為龍驤將軍滎陽太守
為政嚴明甚著聲稱延興五年卒時年四十五贈使持節
大將軍雍州刺史謚曰穆長子韶字元伯學涉有器量與
弟彥度彥並孝文賜名焉韶雅為孝父冲所知重延興中

補中書學生襲爵姑臧侯除儀曹令時脩改車服及羽儀
制度皆令韶典焉遷給事中侍郎後依例降侯為伯兼
大鴻臚卿黃門如故奉文將創遷都之計詔引侍臣訪以
古事韶對曰洛陽九鼎舊所七百攸基地則土中實均朝
貢惟王建國莫尚於此帝稱善遷太子右詹事尋罷左右
仍為詹事肆州大中正出為安東將軍兗州刺史帝自鄴
還洛韶朝於路帝言及庶人恂事曰卿若不出東宮或未
至此也宣武初徵拜侍中領七兵尚書除撫軍將軍并州
刺史以從弟伯固同咸陽王禧之逆免除官爵久之兼將
作大匠敕參定朝議律令及呂苟兒反於秦州除撫軍將

軍西道都督行秦州事與右衛將軍元暉率眾討之事平
即真璽書勞勉復其先爵時隴右新經師旅百姓多不安
業韶善撫納甚得夷夏之心孝明初自相州刺史入為殿
中尚書行雍州事後除中軍大將軍吏部尚書加散騎常
侍出為冀州刺史清簡愛人甚收名譽政績之美聲冠當
時明帝嘉之就如散騎常侍遷車騎將軍賜劔珮貂蟬各
一具驊騮馬一匹并衣服寢具韶以年及懸車抗表遜位
優旨不許轉定州刺史常侍如故及赴中山冀州父老皆
送出西境相聚而泣二州境既連接百姓素聞其德州內
大安正光五年卒於官年七十二詔贈帛七百匹贈使持

節散騎常侍車騎大將軍司空雍州刺史謚曰文恭
葬之後有冀州兵千餘人戍於荊州還經韶墓相率培塚
數日方還其遺愛如此永安中以剋定秦隴功追封安城
縣開國伯邑四百戶長子璵字道璠溫雅有識量魏永平
二年釋褐太尉府行參軍累遷尚書倉部郎中後汝南王
悅爲司州牧悅性質疎冗情識不倫朝廷以璵器望兼美
閑於政事擢爲悅府長史兼知州務甚得毗贊之方因除
司州別駕遷光祿少卿永安初以本官兼度支尚書龔封
安城縣伯又除司徒右長史仍兼尚書及遷都於鄴留璵
於後監府藏及撤運宮廟材木以明幹見稱加征南將
軍金紫光祿大夫尋兼給事黃門侍郎監典書事出爲京
徐州刺史爲政清靜人吏懷之解州還以老疾不求仕進
齊受禪造璵兼前將軍導從於園丘行禮又攝護軍陪神
武神主八太廟璵意不願策名兩朝雖以宿德舊舊被徵
過事即絕朝請文宣亦曾命璵預華林宴顧訪舊事甚重
之天保四年卒年七十二子詮字世良任城郡守贈涇州
刺史子伯卿太師府參軍事伯卿子師上聰敏好學雅有
詞致外祖魏收無子惟有一女生師上甚愛重之童亂使
自教屬文有名於世後與范陽盧公順俱爲符璽郎待詔
文林館與博陵崔君洽同志友善從駕晉陽寓居僧寺朝

士謂之康寺三少為物論推許若此隋煬帝居蕃奏為三
府記室終於揚州詮弟謚字世安位高陽郡守司農卿安
州刺史謚子千學齊武平中尚神武女浮陽長公主拜騎
馬都尉南青州刺史謚弟誦字世業位假儀同三司謚漳
令誦弟世謚太子舍人殿中郎與子孫繫衍行人號其宅
為孝東徐村與弟瑾字道瑜美容貌有才學特為韶所鍾
愛清河王暉甚知賞之暉為司徒辟參軍事轉著作郎稍
遷通直散騎侍郎與給事黃門侍郎王遵業尚書郎盧觀
典脩儀注王盧即瑾之外兄臨淮王彧謂瑾等三儁若字
帝儀可謂舅甥之國及明帝崩上謚策文瑾所製也莊帝

初於河陰遇害年三十九贈冠軍將軍齊州刺史子產之

字孫儁容貌短陋而撫訓諸弟愛友篤至其舅盧道將禱
之曰此兒風調足為李公家孫位北豫州司馬子仲膺字
公祀以學行稱位太子洗馬仕周為東京少史部上士隋
開皇中卒於荊州總管司馬產之弟禧之字曼容清通好
文學齊天保初歷太子洗馬行陽翟郡守為政清靜吏人
稱之遷尚書考功郎中遇文宣昏縱見害時人寃之禧之
弟壽之位梁州中從事性貞介不負於人壽之弟禮之位
司徒騎兵參軍與妻鄭氏相重妻先亡遺言終不獨死未
幾禮之脚上發腫妻云煮小麥漬之即差如其言反剝

而卒禮之弟行之字義通小字師子簡靜善守門業多識
前言往行而不以文學自名居喪盡禮與兄弟深相友愛
仕齊歷位都水使者齊郡太守帶青州長史任城王敬愷
之州人號曰李御史仕周爲冬官府司寺下大夫隋開皇
初封固始縣男除唐州下澧郡太守稱疾不行卒行之風
素夷坦爲士友所稱其舅子盧思道深所愛好常贈詩云
水衡稱逸人潘揚有世親形骸預冠蓋心思出囂塵時人
以爲實錄及疾內外多爲求鑿行之曰居常待終士之道
也貧既愈富何知死不如生一皆抑絕臨終命家人薄葬
口授墓誌以紀其志曰隴西李行之以其年某用終於某

所年將六紀官歷四朝道叶希夷事忘可占雖碩德高風
有傾先構而立身行已無愧夙心以爲氣變則生生化曰
死蓋生者物之用死者人之終有何憂喜於其間哉乃爲
銘曰人生若寄視死如歸茫茫大夜何是非言終而絕
二子夷道行之弟凝之字惠堅光州中從事非其所好儷
俛而就秩滿徑還冀州棗強野舍凝之明本草藥性恒以
服餌自持雖年將耄及而心力不衰篤好古文精心典禮
以之終老未嘗懈倦隋仁壽中卒產之兄弟並有器望邢
子才爲禮之墓誌云食有奇味相待乃浼衣無常主易之
而出時以爲實錄諸婦相親皆如姊妹積之死諸弟不避

當時凶暴行喪極哀趙郡李榮來弔之歎曰此家風範海
內所稱今始見之真吾師也欲與連類即日自名勞之瑛
弟璿字道璋少有風尚辟司徒參軍事卒贈漢陽郡太守
子脩年開府參軍早亡韶弟彥字次仲有學業孝文初舉
秀才除中書博士轉諫議大夫後因考課降為元士尋行
主客曹從事郊廟下大夫時朝儀典掌咸未周備彥留心
考定號為稱職孝文南伐彥諫曰臣以為最爾江閩未足
親勞鑾駕頻表雖不見納而以至誠見嘉及六軍次於淮
南徵為廣陵王羽長史加恢武將軍西翼副將軍還除冀
州趙郡王幹長史轉青州廣陵王羽長史帶齊郡太守徵
為龍驤將軍司徒右長史左長史秦州大中正出行揚州
事尋徵拜河南尹還至汝陰復敕行徐州事尋徵拜平北
將軍平州刺史遷平東將軍徐州刺史延昌二年夏大霖
雨川瀆皆溢彥相水陸形勢隨便疏通得無淹漬之害朝
廷嘉之頻詔勞勉入為河南尹遷金紫光祿大夫光祿勳
轉度支尚書出為撫軍將軍秦州刺史時破六韓拔陵等
反於北鎮二夏幽涼所在蜂起而彥刑政甚嚴正光五年
六月城人薛珍劉慶杜超等因四方離叛突入州門彥
推其黨莫折大提為帥永安中追贈侍中驃騎大將軍司
徒公雍州刺史謚曰孝貞子燮字德諧少有風望位司徒

主簿卒贈太常少卿子士力有雅望位高都太守燮弟爽
字德明弟充字德廣弱冠太學博士大將軍蕭寶夤討
德廣為行臺郎募眾而征戰捷乃手刃仇人啖其肝肺覺
寶夤有異志挺身歸闕朝廷加爵辭而不受寶夤遂與方
俟醜奴同反大行臺亦朱天光討之請德廣為從事中郎
天光用其計遂定秦隴以功除中散大夫痛父非命終身
不食酒肉妹夫盧元明嗟重之子士英有文才主遵業以
女妻之次僧伽脩整篤業不應辟命時鄭子默有名於世
僧伽曰行不適道文勝其質郭林宗所謂牆高墓下雖得
必喪此之徒也竟如其言尚書袁淑德來依僧伽先滅德

從然後入門曰見此賢令吾羞對軒冕及卒叔德為懷舊
詩曰平生寡俗累終身無世言其見重如此僧伽弟法藏
內清介位負外郎德廣弟德顯位散騎侍郎贈東秦州刺
史德顯弟德明敦重有器局位高陽太守贈光祿少卿光
州刺史彥弟虔字叔恭大和初為中書學生遷祕書中散
轉冀州驃騎府長史太子中舍人宣武初遷太尉從事中
郎出為清河太守屬京兆王愉反虔棄郡奔闕宣武聞虔
至謂左右曰李虔在冀州日久恩信著物今拔難而來眾
情自解矣乃授虔別將令軍前慰勞事平轉長樂太守延
昌初冀州大乘賊起令虔以本官為別將與都督元遙討

平之遷後將軍燕州刺史還為光祿大夫加平西將軍兼
 大司農出為散騎常侍安東將軍兗州刺史追論平冀州
 之功賜爵高平男遠京除河南邑中正遷領軍將軍金紫
 光祿大夫孝莊初授特進車騎大將軍儀同三司散騎常
 侍又進號驃騎大將軍開府儀同三司永安三年薨年七
 十四贈侍中驃騎大將軍太尉公都督冀定瀛三州諸軍
 事冀州刺史謚貞景長子喚字仁明位尚書左外兵郎莊
 帝初於河陰遇善年四十贈度支尚書安東將軍青州刺
 史子哀章武郡守哀弟顛汲郡守竝以幹局見知喚弟仁
 暉位員外散騎侍郎大尉錄事參軍與兄喚同於河陰遇

善年三十八贈散騎常侍左將軍兗州刺史子搆字道熾
 學尚有風儀魏武定中司空長流參軍齊天保末為尚書
 郎終於光州司馬仁暉弟皓字仁昭位散騎侍郎亦遇害
 河陰贈征虜將軍涼州刺史子士元士操武定中竝儀同
 開府參軍事皓弟曉事列于後度弟莊字延賓歷步兵校
 尉東郡太守司農少卿卒贈龍驤將軍豫州刺史子諺字
 義興有幹局起家太學博士領殿中侍御史稍遷東郡太
 守莊帝初濟廣二州刺史加散騎常侍節閔時與第三弟
 通直散騎常侍義真第七弟太常少卿義邕同為介朱仲
 遠所害義邕莊帝居藩之日以外親甚見親昵及即位特

蒙信任介朱榮之誅義邑預其事由是竝及禍節閔初諺
贈侍中驃騎將軍吏部尚書冀州刺史義真贈前將軍齊
州刺史義邑贈安東將軍青州刺史諺次弟義順司空屬
第四弟義遠國子博士莊帝初竝於河陰遇害贈散騎常
侍征東將軍雍州刺史承弟茂字仲宗文成末襲父爵鎮
西將軍燉煌公孝文初除長安鎮都將轉西汾州刺史將
軍如故入為光祿大夫歷西兗州刺史例降為侯茂性謙
慎以弟冲寵盛懼於盈滿以疾求遜位孝文不奪其志聽
食大夫祿還私第因居中山自是優遊里舍不入京師卒
年七十一謚曰恭侯子靜字紹安襲位東平原太守卒子

遐字智遠襲遐有几案才位河內大守從孝莊南度河於
河陰遇害兵部管軍寧追贈散騎常侍車騎大將軍尚書
右僕射秦州刺史封盧鄉伯靜弟孚字仲安恭慎篤厚歷
汝南中山二郡太守孝莊初以外親超撫軍將軍金紫光
祿大夫出為鎮東將軍滄州刺史加散騎常侍弟安
涉書史位北海王顥撫軍長史顥為關西都督復引為長
史委以戎政卒於軍贈征虜將軍涼州刺史茂弟輔字叔
直有器望解褐中書博士遷司徒議曹掾太和中孝文為
咸陽王禧納其女為妃除鎮遠將軍潁川太守帶長社成
輔綏懷招集甚得邊和卒於郡贈征虜將軍秦州刺史謚

曰襄武侯長子伯尚少有重名弱冠除祕書郎孝文每云
此李氏之千里駒稍遷通直散騎侍郎敕撰太和起居注
宣武初兼給事黃門侍郎坐與咸陽王禧謀反誅伯尚弟
仲尚儀貌甚美少以文學知名年二十著前漢功臣序讚
及季父司空冲誅高聰邢巒見而歎曰後生可畏非虛言
也起家京兆王愉府參軍坐兄事賜死仲尚弟季凱沈敏
有識量坐兄事與母弟俱徙邊久之會赦免遂寓居晉陽
沈廢積年後歷位并州安北府長史孝明崩尔朱榮陰圖
義舉季凱預謀及莊帝踐祚徵拜給事黃門侍郎封博平
縣侯加散騎常侍祕書監中軍將軍後尔朱世隆以榮之
死謂季凱通知於其見害孝武初追贈侍中驃騎將軍吏
部尚書定州刺史季凱弟延慶位陳留太守金紫光祿大
夫延慶弟延度衛將軍安德太守輔弟佐字季冀有文武
才幹孝文初兼散騎常侍使高麗以稱旨還拜常山太守
真定縣子遷懷州刺史進爵山陽侯加安南將軍河內公
轉相州刺史所在有稱績後拜安遠將軍敕與征南將軍
城陽王鸞安南將軍盧陽烏等攻赭陽各不相節度諸軍
以敵強故班師位逆戰為賊所敗坐徙瀛州車駕征宛鄧
復起佐假平遠將軍統軍以功封涇陽縣子河北既平以
佐為廣陽王嘉鎮南府長史加輔國將軍別鎮新野及大

軍凱旋孝文執佐手曰河北洛陽南門卿勉爲朕善守孝
文崩遺敕以佐行荊州事佐在州威信大行邊人悅附前
後歸者二萬許家尋正刺史宣武初徵兼都官尚書卒年
七十一贈秦州刺史謚曰莊子遵襲遵豪爽有父風卒於
司空司馬贈洛州刺史子果襲位司空諮議參軍坐通西
魏見殺遵弟東字休賢郡辟功曹以父憂去職遂終身不
食酒肉因屏居鄉里司空任城王澄嘉其操尚以爲參軍
事累遷濟州刺史卒贈殿中尚書相州刺史東弟挺字神
雋小名提少以才學知名爲太常劉芳所賞歷位中書侍
郎太常少卿荊州刺史時梁將曹敬宗來寇攻圍積時又
引水灌城城不沒者數版神雋循撫兵人勦力固守詔遣
都督崔暹別將王熊裴衍等赴援敬宗退走時寇賊之後
城外有露骸神雋令收葬之徵拜大司農孝明末除鎮軍
將軍行相州事時葛榮南逼神雋憂懼乃故墜馬傷足仍
停沔郡有詔追還莊帝即位以神雋人望拜散騎常侍殿
中尚書追論固守荊州功封千乘縣侯轉中書監吏部尚
書神雋意尚風流情在推引人物尔朱榮有所用人神雋
不從見怒懼啓求解官除右光祿大夫尋屬尔朱兆入京
榮與幽執神雋遂逃人間孝武初歸闕拜散騎常侍驃騎
大將軍左光祿大夫儀同三司孝靜初除驃騎大將軍章

州刺史入爲侍中薨年六十四贈尚書左僕射司徒公雍
州刺史神雋風韻秀舉博學多聞朝廷舊章及人倫氏族
多所諳記篤學好文雅老而不輟凡所交遊皆一時名士
汲引後生爲其光價四方才子咸宗附之滎陽鄭伯猷常
云從舅爲人物宗主在洛京時琅邪王誦亦美神雋故名
其子曰雋庶其似之梁武帝雅重其名常云彼若遣李神
雋來聘我當令劉孝綽往其見重如此頸多鼠乳而性通
率不持檢度至於少年之徒皆與褻狎比還鄴於路見狗
溫子昇戲曰爲是宋鵲爲是韓盧神雋曰爲逐丞相東走
爲共帝女南徂沙苑之敗神雋策眇馬而走曰丁掾力馬

倒曰丁掾誤我其不拘若此既不能方重識者以此爲譏
喪二妻又欲娶鄭嚴祖妹神雋之從甥也盧元明亦將爲
婚遂至紛競二家閱於嚴祖之門鄭卒歸元明神雋惆悵
不已時人以神雋爲鳳德之衰冲字忠順承少弟也本名
恩冲孝文改爲少孤爲承訓養承常言此兒器重非怕方
爲門戶所寄冲雅有大量隨兄至滎陽時牧守子弟多侵
亂人庶輕有乞奪冲與承長子韶獨清簡皎然無所求取
時人美焉獻文末爲中書學生冲善交遊不妄戲雜流輩
重之孝文初以例遷祕書中散典禁中文字以脩敦敬意
漸見寵待遷內祕書令南部給事中舊無三長唯立宗主

主督護所以多隱冒五十三家方為一戶冲以三正所由
來遠於是創三長之制上之文明太后覽而稱善引見公
卿議之群臣多有不同太后曰立三長則課有常準賦有
常分包蔭之戶可出僥倖之人可止何為不可詞議雖有
乖異然惟以變法為難更無異議遂立三長公私便之遷
中書令加散騎常侍給事中如故尋轉南部尚書賜爵順
陽侯冲為文明太后所幸恩寵日盛賞賜月必數千萬進
爵隴西公密致珍寶服御以充其第外人莫得而知冲家
素清貧於是室富而謙以自牧積而能散近自姻族逮於
鄉閭莫不分及虛已接物垂念窮寒衰舊滄岫由之躋叙

考亦以多矣時以此稱之初冲兄佐與河南太守來崇同
自涼州入國素有微嫌佐因構成崇罪餓死獄中後崇子
護為南部郎深慮為冲陷常求退避冲每慰撫之護後坐
贓罪懼必不濟冲具奏與護本末嫌隙乞原恕之遂得不
坐冲從甥陰始孫貧來冲家至如子姪有人求官因其納
馬於冲始孫輒受而不言後假方便借冲此馬主見冲乘
馬而不得官後自陳自始末冲聞大驚執始孫以狀款奏
始孫坐死其處要自厲不念愛惡皆此類也時循舊三公
重臣皆呼名孝文帝謂冲為中書而不名之文明太后崩
後孝文居喪引見待接有加及議律令潤飾辭旨刊定輕

重孝文雖自下筆無不使訪焉冲竭忠奉上知無不盡出入憂勤形於顏色雖舊臣戚輔莫能逮之俱服其明斷慎密而歸心焉於是天下翕然及殊方聽望咸宗奇之孝文亦深相仗信親敬彌甚君臣之間情義莫二及置百司開建五等以冲參定典式封滎陽侯拜廷尉卿遷侍中吏部尚書咸陽王師東宮建拜太子少傅孝文初依周禮置夫嬪之列以冲女爲夫人及營明堂詔冲領將作大匠與司空長樂公亮共監興繕車駕南伐加冲輔國大將軍統衆翼從自發都至洛陽霖雨不霽仍詔六軍發軔孝文戎服執鞭御馬而出群臣稽顙於馬首之前孝文曰今大軍將邁公等更欲何云冲進請曰發都淫雨土馬困弊矜恤反旆於義爲允孝文曰已至於此何容俾駕冲又進曰今者之舉天下所不願敢以死請孝文大怒曰方欲經營宇宙而卿等儒生屢疑大計斧鉞有常卿勿復言策馬將出大司馬安定王休兼左僕射任城王澄等並殷勤泣諫孝文乃喻群臣曰今者興動不小勤而無成何以示後若不南鑿即當移都於此光宅土中幾亦時矣王公等以爲何如議之所決不得旋踵欲遷者左不欲遷者右安定王休等相率如右前南安王禎進曰愚者闇於成事智者見於未行見至德者不議於俗成大功者不謀於衆非常之事廓

神都以延王業都中士以制帝京周公啓之於前陛下行之於後固其宜也請上安聖躬下慰人望光宅中原輟彼南伐此臣等之願亦蒼生幸甚群臣咸唱萬歲孝文初謀南遷恐衆心戀舊乃示爲大舉因以脅定群情外名南伐其實遷也舊人懷土多所不願內憚南征無敢言者於是定都洛陽尋以冲爲鎮南將軍侍中少傅如故委以營構之任改封陽平郡侯車駕南征以冲兼左僕射留守洛陽遷尚書左僕射仍領少傅改封清泉縣侯及太子恂廢冲罷少傅孝文引見公卿於清徽堂曰今徙極中天創居嵩洛雖大構未成要自條紀略舉但南有未賓之豎兼兇蠻

密邇朕取南之計決矣所行之謀必定頃來陰陽卜術之士咸勸朕今征必尅此旣家國大事宜其君臣各盡所見冲曰征戰之法先之人事然後卜筮卜筮雖吉猶恐人事未備京師始遷衆業未定加之征戰以爲不可帝曰僕射之言非爲不合朕意然咫尺寇戎無以自安理須如此若待人事備復非天時將若之何如僕射之言便終無征理冲機敏有巧思北京明堂圓丘太廟及洛都初基安處郊兆新起宮寢皆資於冲勤志強力孜孜無怠且理文簿兼營近制凡案盈積剗在前初不勞馱也然顯貴門族榮益六姻兄弟子姪皆有官爵一家歲祿萬匹有餘年纔四

十而鬢髮斑白姿貌甚美未有衰狀李彪之入京也孤微
寡援而自立不群以冲好士傾心宗附冲亦重其器學禮
而納焉每言之於孝文公私共相援益及彪為中尉尚書
為孝文知侍便謂非復藉冲更相輕背唯公坐斂袂而已
無復宗之意冲頗銜之後孝文南征冲與吏部尚書任
城王澄並以彪倨傲無禮遂禁止之奏其罪狀冲手自作
表家人不知辭甚激切因以自劾孝文覽其表嗟嘆父之
既而曰道固可謂隘也僕射亦為滿矣冲時震怒數責彪
前後懋悖瞋目大呼投折几案盡收御史皆泥首面縛大
罵辱雪冲素性溫柔而一朝暴恚遂發病荒悻言語亂錯

猶把腕叫詈稱李彪小人醫藥所不能療或謂肝藏傷裂
旬餘日卒時年四十九孝文始聞冲病狀謂右衛宋弁曰
僕刑執我樞衡總釐朝務使我無後顧之憂一朝忽有比
患朕其愴懷及聞冲卒為舉哀於縣瓠發聲悲泣不能自
勝詔書褒述其美曰可謂國之賢也朝之望也於是贈司
空公給東園祕器一具衣一襲贈錢三十萬布五百匹蠟
二百斤有司奏謚曰文穆葬於覆舟山近杜預家孝文之
意也後車駕自鄴還洛路經冲墓左右以聞孝文卧疾望
墳掩涕久之遣太常致祭及與留京百官相見皆叙冲二
没之故言及流淚其相痛惜如此子延寔字禧性温良少

爲太子舍人宣武初襲父爵清泉縣侯莊帝即位以母舅
之尊超授侍中太保封濮陽郡王延寔以太保犯祖諱又
以王爵非庶姓所宜抗表固辭徙封濮陽郡公改授太傅
尋轉司徒公出爲使持節侍中太傅錄尚書事東道大行
臺都督青州刺史介朱兆入京乘輿幽繫延寔以外戚見
害於州館孝武帝初反葬洛陽贈使持節侍中太師太尉
公錄尚書事都督雍州刺史謚曰孝懿長子彧字子文尚
莊帝姊豐亭公主封東平郡公位侍中左光祿大夫中書
監驃騎大將軍開府儀同三司廣州刺史彧性豪俠介朱
榮之死也武毅之士比彧所進孝靜初陷法見害尋詔復

太尉子道端襲彧七子並彭城王勰女豐亭公主所生以
道德仁義禮智信爲名第四子義雄有識悟勤學手不釋
書仕齊位瑯邪郡守義雄弟禮成最知名禮成字孝諧年
七歲與姑之子蘭陵太守榮陽鄭顥隨魏武帝入關顥母
每謂人曰此兒平生未嘗回顧當爲重器及長沈深有行
檢不妄通賓客在魏歷著作郎太子洗馬負外散騎常侍
周受禪拜平東將軍散騎常侍于時貴公子皆競習弓馬
被服多爲軍容禮成雖善騎射而從容儒服不失素望後
以軍功拜車騎大將軍儀同三司賜爵脩陽侯拜遷州刺
史時朝廷有所徵發禮成度以蠻夷不可擾擾必爲亂上

表固諫武帝從之伐齊之役從帝圍晉陽齊將席毗羅精
兵拒帝禮成力戰擊退之加開府進封冠軍縣公歷北徐
州刺史戶部中大夫禮成妻竇氏早沒知隋文帝有非常
之表遂聘帝妹為繼室及帝為丞相進位上大將軍遷司
武上大夫委以心膂及受禪拜陝州刺史進封絳郡公賞
賜優洽累遷襄州總管左大將軍時突厥屢為寇患緣邊
要害多委重臣由是拜寧州刺史以疾徵還京終二家子
世師位度支侍郎禮成弟智源有器量仕齊卒於高都郡
守智源弟不信則方雅廉慎齊武平中位南陽王大司馬屬
信則形短中書侍郎頓丘李若戲之曰弟為府屬可謂名

以定體信則曰名以定體豈過劣 尋除尚書倉部郎中

入周為東京司門下大夫隋開皇中卒於沔州刺史或弟
彬字子儒其父延寔既別封彬襲伯爵清泉縣侯位中書
侍郎卒於左光祿大夫贈驃騎大將軍光祿勳齊州刺史
謚曰獻子桃杖襲彬弟彰位通直散騎侍郎從父在青州
同時遇害贈左將軍瀛州刺史延寔弟休纂小字鍾羌頗
有父風位終太子舍人贈驃騎大將軍尚書令司徒公雍
州刺史追封樂涇縣公後進封高陽郡公子昂襲昂魏末
為廣平郡太守齊天保中卒於光祿卿昂子道隆有才識
明剖斷仕齊位并省尚書左丞隋開皇中為尚書北部侍

郎休纂第延孝位尚書屯田郎中於河陰遇害贈侍中車
騎大將軍司空公定州刺史進封臨潁縣公詔從弟仲遵
有器業彭城王勰為定州請為定州開府參軍累遷營州
刺史時四方州鎮逆叛相續營州城內咸有異心仲遵單
車赴州及至與大使盧同以恩信懷誘率皆安帖後明帝
又遣詔盧同為行臺北出慰勞同疑人情難信聚兵將往
城人劉安定就德興等先有異志謂欲圖已遂仲遵害之
詔從祖抗自涼州渡江左仕宋歷晉書安陸東萊三郡太
守抗子思穆字叔仁有度量善談論工草隸為當時所談
太和十七年攜家累自漢中歸魏位都水使者及車駕南
伐以本官兼直閣將軍從平南陽以功賜爵樂平子思穆
踐祚進爵為伯累遷京兆內史在郡八年頗有政績卒於
營州刺史贈安東將軍華州刺史有子十四人嫡子斌襲
位散騎侍郎早卒斌兄獎字道休為莊帝所親超贈思穆
衛將軍中書監左光祿大夫謚曰宣武獎以戚里恩澤賜
爵廣平侯歷中書侍郎兼散騎常侍聘梁使主黃門郎司
徒左長史行瀛州事齊天保初兼侍中兼瀛滄三州大使
觀察風俗還拜魏尹卒贈濟州刺史中書令子環位中書
舍人黃門郎詔族弟琰之字景珍小字墨蠹少知名號曰
神童從父冲雅所歎異每曰興吾宗者其此兒乎怕資給

所須愛同己子弱冠舉秀才不行曾遊河內北山便欲有
隱道意會彭城王勰辟為行軍參軍苦相敦引冲又遣信
喻之父乃應召尋為中尉李彪啓兼著作佐郎修撰國史
稍遷國子博士領尚書儀曹郎中轉中書侍郎司農少卿
黃門郎修國史遷國子祭酒轉祕書監兼七兵尚書遷太
常卿孝莊初太尉元天穆北討葛榮以琰之兼御史中尉
為北道軍司還除征東將軍仍兼太常出為衛將軍荊州
刺史兼尚書左僕射三荆二郢大行臺尋加散騎常侍琰
之雖以儒素自業而每語人言吾家世將種猶有關西風
氣及至州之後大好射獵以示威武亦朱兆入洛南陽太

守趙脩延以琰之莊帝外戚誣琰之規奔梁國冀州城遂
被囚執脩延仍自行州事城內人斬脩延還推琰之釐州
任孝武初徵兼侍中車騎大將軍左光祿大夫儀同三司
永熙二年薨朝廷悼惜之贈侍中驃騎大將軍司徒公雍
州刺史謚曰文簡琰之少機警善談論經史百家無不悉
覽朝廷疑事多所訪質每云崔博而不精劉精而不博我
既精且博學兼二子謂崔光劉芳也論者許其博未許其
精當時議咸共宗之又自誇文章從姨兄常景笑而不許
每休閑之際恒閉門讀書不交人事常謂人曰吾所以好
讀書者不求身後之名但異見異聞心之願也是以孜孜

搜討欲罷不能豈為聲名疾勞出人也此乃天性非為力
強前後再居史事無所編輯安豐王延明博聞多識每有
疑滯常就琰之辨折自以為不及也二子綱慧並從孝武
帝入關中綱位宜州刺史儀同三司子充節少慷慨有英
略隋開皇中頻以行軍總管擊突厥有功位上柱國武陽
郡公朔州總管甚有威名為虜所憚後有人誣其謀反徵
還京師上怒之充節素剛憂憤卒子大亮曉字仁略太尉
虔之子也少而簡素博涉經史早有時譽釋褐員外郎散
騎侍郎介朱榮之立孝莊曉兄弟四人與百寮俱將迎焉
其夜曉衣冠為鼠噬不成行而免其上三兄皆遇害曉乃

攜諸猶子微服潛行避難東郡行至成臯為滎陽令天水
閻信所疑辟易左右謂曉曰觀君儀貌豈是常倫古人相
知未必在早必有急難須悉心以告天下豈獨北海孫賓
碩乎曉以信有長者之言乃具告情實信乃厚相資給以
免永安初授輕車將軍尚書左右主客郎仍轉征虜將軍
中散大夫又除前將軍太中大夫天平初遷都于鄴曉便
寓居清河依從母兄崔陵鄉宅陵給良田三十頃曉遂築
室居焉時蒙右子弟悉多驕恣請託暴亂州郡不能禁止
曉訓勗子弟咸以學行見稱時論以此多之曉自河陰家
禍之後屬王途未夷無復宦情備在名級而已及遷都之

後因退私門外兄范陽盧叔彪勸令出仕前後數四確然
不從武定末齊文襄嗣事高選察采召曉及前開府長史
房延祐並為外兵郎後徙平西將軍太尉府諮議參軍事
除頓丘太守天保中頻歷廣武東二郡太守所在有惠政
為吏人所懷卒於郡年五十九贈本官將軍海州刺史三
子伯山仲舉季遠超字仲舉以字行於世性方雅善制白
檠美鬚眉高簡宏達風調疎遠博涉經史不守章句業至
於吉凶禮制親表咸取則焉弱冠仕齊為襄城王大司馬
參軍事時尚書左僕射元文遙以令長之徒率多寒賤奏
請莖選妙盡高資仲舉與范陽盧昌衡等八人同見徵用

以仲舉為司州脩武令仲舉祗以寬簡吏人號曰寬明于
時昌衡為平恩令百姓號曰恩明故時稱盧李恩寬之政
武平初持節使南定川人並是蠻左接帶邊嶂仲舉具宣
朝旨邊服清謐朝廷嘉之遷授晉州別駕及周師圍晉
州外無救援行臺左丞侯子欽內圖離貳欲與仲舉謀憚
其嚴正將言而止者數四仲舉揣知其情乃謂之曰城危
累如伏賴於公今之所言想無他事欲言而還中止也子
欽曰告急官軍永無消息勢之危急旦夕不謀意欲不坐
受夷戮歸命有道於公何如仲舉正色曰僕射高氏恩德
未深公於皇家沒齒非答臣子之義固有常道何至今日

翻及此言子欽懼泄夜投周軍城尋破周將梁士彥素聞仲舉名引與言及時事仲舉曰世居山東受恩高氏今國維不張遠勞師衆不能死於臣道豈敢干非其議士彥曰百里左車不無前事想亦得之見逼不已仲舉乃曰今者官軍遠來方申弔伐當先德澤遠示威懷明至聖之情弘招納之略今所至之所歸誠有地所謂王者之師征而不戰也士彥深以爲然共相相知重初城敗之後公私蕩然軍人簿帳悉多工毀戶口倉儲無所憑據事無大小士彥一委仲舉推尋勾當絲髮無遺於軍用甚有助焉鄴城平仍將家隨例入關仲舉以親故流離情不願任妻伯父京兆

尹博陵崔宣猷留不許去固辭乃得還鄴尋有詔素望資命州郡勸送仲舉懼嚴命而至補秋官賓部上士深乖情願乃取急言歸隋開皇中秦王俊鎮洛州召補州主簿友人蜀王府記室范陽盧士彥謂仲舉曰丈人往經徵辟每致推辭何爲徒勞之任忽爾降德仲舉笑曰屈伸之事非子所知尋被敕追赴京朝廷以仲舉婆娑州里責黜左降爲隆州錄事參軍尋以疾歸以琴書自娛優遊賞逸視人世夷如也會朝廷舉士著作郎王邵又舉以應詔以前致推遷爲責除冀州清江令未幾又以疾還後以資例授帥都督洛陽令彭城劉逸人謂仲舉曰君之才地遠近所

知父病在家恐貽時論且為武職差若自安仲舉曰吾性本踈惰少無宦情豈以垂老之年求一階半級所言武職挂徐君墓樹耳竟不起終於洛陽永康里宅時年六十三當世名賢莫不傷惜之二子大師行師大師字君威幼而爽悟神情警發標格嚴峻人並敬憚之身長七尺五寸風儀甚偉好學無所不窺善綴文備知前代故事若指諸掌商較當世人物皆得其精弱冠州將賀蘭寬召補主簿寬當時位望又與大師年事不侔初見言未及終便改容加敬曰名下故無虛士今者非以相勞自望坐嘯有託耳每於私室接遇恒盡忘年之歡俄而以資調補左翊衛率尋除冀州司戶叅軍煬帝初改州為郡仍除信都司戶書佐及大業暮年王塗弛紊居官者率多侵漁皆致潤屋大師獨守清戒無所營求家益致窘迫郡丞鞠孝稜益相歎服曰後於歲寒此言於公得之十年遷渤海郡主簿及竇建德據有山東被召為尚書禮部侍郎武德三年被遣使京師因送同安公主遂求和好使畢還至絳州而建德違約又助世充抗王師於武牢高祖大怒命所在拘囚其使世充建德尋平遂以譴徙配西會州大師少時嘗策仕長安遇日者姓史因使占時有從兄子同妹夫鄭師萬河東裴寂同以宿衛簡入文資各使視即日官位及將來所至


史生曰裴二及李皆當依資叙用然裴君終致台輔鄭非
直今歲虛歸後歲亦當本資不叙指大師曰君才雖不減
趙元叔恐賦命亦將同之言子同亦無遠到時大師弟行
師亦預賓貢因問史生吉凶生曰此郎雖非裴君之匹亦
至方伯既而大師及子同裴寂並以資補州佐師萬當年
差舛明年而齊資不叙師萬任益州新都縣尉及武德初
裴寂任尚書左僕射魏國公大師至是遷_驩獨笑曰史生
之言於茲驗矣行師貞觀中歷太常寺丞都水使者邛州
刺史皆如史生之占大師既至會州忽忽不樂乃爲_韜思
賦以見其事侍中觀公楊恭仁時鎮涼州見賦異之召至
河西深相禮重日與遊處大師少有著述之志常以宋齊
梁陳齊周隋南北分隔南書謂北為索虜北書指南為島
夷又各以其本國周悉書別國並不能備亦往往失實常
欲改正將擬吳越春秋編年以備南北至是無事而恭仁
家富於書籍得恣意披覽宋齊梁魏四代有書自餘竟無
所得居二年恭仁入為吏部尚書大師復還會州武德九
年會赦歸至京師尚書右僕射封德彝中書令房玄齡並
與大師親通勸留不去曰時屬惟新人思自効方事屏退
恐失行藏之道大師曰昔唐堯在上下有箕山之節雖以
不才請慕其義於是俶裝東歸家本多書因編緝前所修

書貞觀二年五月終於鄭州滎陽縣野舍時年五十九既所撰未畢以為沒齒之恨焉所製文筆詩賦播遷及遭火多致失落存者十卷子慶孫正禮利王延壽安世延壽與敬播俱在中書侍郎顏師古給事中孔穎達下刪削既家有舊本思欲追終先志其齊梁陳五代舊事所未見因於編緝之暇晝夜抄錄之至五年以內憂去職服闋從官蜀中以所得者編次之然尚多所闕未得及終十五年任東宮典膳丞日右庶子彭陽公令狐德棻又啓延壽修晉書因茲復得勘究宋齊魏三代之事所未得者十七年尚書右僕射褚遂良時以諫議大夫奉敕修隋書十志復準敕

召延壽撰錄因此遍得披尋時五代史既未出使人抄錄家素貧罄又不辨雇人書寫至於魏齊周隋齊梁陳正史並手自寫本紀依司馬遷體以次連綴之又從此八代正史外更勘雜史於正史所無者一千餘卷皆以編入其煩冗者即削去之始末修撰凡十六載始宋凡八代爲北史南史二書合一百八十卷其南史先寫訖以呈監國史國子祭酒令狐德棻始末蒙讀了乖失者亦爲改正許令聞奏次以北史諮知亦爲詳正因遍諮宰相乃上表表曰臣延壽言臣聞史官之立其來已舊執簡記言必資良直是以典謨載述唐虞之風尤著詰誓斯陳殷周

之烈彌顯曾書有作鹿門貽鑒於臧孫晉乘無隱桃園取
譏於趙孟斯蓋哲王經國通賢垂範懲誡之方率由茲義
逮秦書既煬周籍俱湮子長創制五三畢紀條流且異綱
目成張自斯新以後皆所取則雖左史筆削無乏於時微
婉所傳唯稱班范次有陳壽國志亦曰名家並已見重前
脩無俟揚榘洎紫氣南浮黃旗東徙時更五代年且三百
元熙以前則總歸諸晉著述之士家數雖多泛而商略未
聞蓋善太宗文皇帝神資睿聖天縱英靈爰動油襟用紆
玄覽深嗟蕪穢大存刊勒既懸諸日星方傳不朽然北
自魏以還南朝從來以降連行迭變時俗污隆代有

人多好事考之篇目史牒不少互陳聞見同異
說短書易為湮落脫或殘滅求勘無所一則王道得喪朝
市質遷日失其真晦明安取二則至人高跡達士弘規因
此無聞可為傷歎三則敗俗巨蠹滔天桀惡書法不記孰
為勸獎臣輕生多幸運奉千齡從貞觀以來屢叨史局不
揆愚固私為修撰起魏登國元年盡隋義寧二年凡三代
二百四十四年兼自東魏天平元年盡齊隆化二年又四
十四年行事總編為本紀十二卷列傳八十八卷謂之北
史又起宋末初元年盡陳禎明三年四代一百七十年為
本紀十卷列傳七十卷謂之南史凡八代合為二書一百



八十卷以擬司馬遷史記就此八代而梁陳齊周隋五書
 是首觀中救撰以十志未奏本猶未出然其書及志始末
 是臣所脩臣既夙懷慕尚又備得尋聞私為抄錄一十六
 年凡所獵略千有餘卷連綴改定止資一手故淹時序迄
 今方就唯鳩聚遺逸以廣異聞編次別代共為部秩除其
 冗長摭其菁華若文之所安則因而不改不敢苟以下世
 自申管見雖則疎野遠慙先哲於較求所得竊謂
 南史刊勒已定北史勘校粗了既撰自私明不敢
 未經聞奏亦不敢流傳輕用陳聞伏深戰越謹言

序傳第八十八

北史一百



